

Experience
The Unbeatable Fastest Internet Speed
in PNG only with Telikom ADSL



FREE ADSL
For Residential Only

Make your Home a Wireless Home with Telikom's ADSL WiFi

Bring your last month's Land Line Paid Bill to any Telikom shop and get your ADSL installed for FREE.

Prepaid Rate is 29t per MB All Day All Night.

Applies to Port Moresby and Lae customers till stocks last.

Call 24/7 Customer Care on 345 6789 website: www.telikompng.com.pg

'Strongim skul, strongim pipel' - PM



- **Gavman redim mani bilong fri edukesen**
- **Yuni sumatin bai kisim potnait gen**

TAIM palamen i bung gen neks wik Tunde, em bai tok oraitim saplimentari baset bilong em, we bai givim bikpela luksave tru long strongim ol edukesen tok promis bilong gavman.

Namba wan long ol dispela em fri edukesen, we Praim Minista Peter O'Neill i tokaut pinis olsem bai kirap long yia i kam, 2012.

Mista O'Neill i bin bung wantaim ol sumatin bilong Yunivesiti bilong PNG (UPNG) long Tunde dispela wik, we em i tokaut olsem gavman bai opim wanpela K350 milian fri edukesen tras akaun aninit long saplimentari baset bilong en.

Dispela bai kirapim wok bilong bungim namel long K610 na K700 milian kina. Dispela em i mani mak bilong sapotim fri edukesen long ol-geta hap kona bilong kantri.

Wantaim ol arapela bikpela tok promis gavman i givim UPNG, em luksave bilong givim mani inapim wankain manimak UPNG yet i ken

bungim long kirapim ol nupela wok developmen bilong en.

Tasol samting ol yunivesiti sumatin i bin amamas long en, em kirapim bek bilong nesenel skolasip skim o manimak wan wan yunivesiti sumatin bai kisim bilong lukautim gut sindaun bilong ol long skul.

Mista O'Neill i mekim ol dispela toksave wantaim strongpela tok lukaut.

"Gavman bilong mi bai laikim 'ziro tolarens' o strongpela tambu tru long baim bia na spak o yusim ol strongpela drak nogut long ol yunivesiti.

"Ol yunivesiti atoriti bai was long ol sumatin bilong ol na strongim ol loa i bosim dispela skolsasip na alauens. Ol i mas rausim long husat ol sumatin i no bihainim stret ol stia na banis bilong Nesenel Skolasip," Mista O'Neill i tok.

Lukim moa stori long ol tokpromis bilong gavman - PES 2 na 3

3G+
NOGAT LEPTOP?
Go long intanet wantaim niupela Huawei 6150

Kisim koneksen long intanet wantaim niupela Huawei 6150

Nogat planti stok i stap!



K199
Tasol

Digicel

Glasing Lae Bisnis Saplimen insait. Pes 11-22



...the perfect choice

VITAMIN ENRICHED

More Easy, More Tasty, More Healthy.



Seeto Kui Kampani bringim amamaslong ol sik pikinini long Goroka Haus sik

Sape Metta i raitim

LONG taim ol liklik na yangpela pikinini i save painim sik na go edmit o slip long haus sik wantaim mama o papa bilong ol, em i samt-ing we i save bringim wari na tu planti tingting na amamas em i no save kamap long pes bilong dispela ol lain.

Tasol long mun i go pinis long wod bilong ol pikinini long bikpela haus sik long Goroka, Isten Hailens, em i narapela stori, long wanem ol pikinini wantaim mama bilong ol long dispela wod i bin lusim tingting long ol sik bilong ol, na i putim sampela smail long pes bilong ol long taim ol wok manmeri bilong Seeto Kui Kampani kamap long wod na i skelim ol kaikai samt-ing i go i kam wantaim ol.



SEETO KUI AMAMASIM OL PIKININI. Wapela wokman bilong Seeto Kui Kampani i skelim kaikai wantaim sampela samt-ing i go long sik pikinini wantaim mama bilong em long Goroka haus sik. Poto Sape Metta.

Longpela moa taim bilong vot long 2012

NESENEL ileksen long neks yia bai lukim taim bilong vot i senis long wapela wik i go tu-pela wik.

Dispela em wan-pela bikpela senis long progrem bilong wok ileksen.

Namba tu em bai lukim moa klia wok

pasin insait long ilek-sen. PNG Ilektral Komisina, Andrew Trawen i tok olsem gutpela kamap bilong bai ileksen long Kun-

diawa-Gembok bai ileksen long wik i go pinis i soim klia olsem i gat rot bilong mekim wok ileksen i ron gut.

Insait long bai ileksen long Simbu, olgeta wok bilong kaunim i stap ples klia, na olgeta manmeri i stap long kaunim senta i lukim ples klia wan wan vot pepa we i kamap infomal.

Dispela i lukim i nogat planti askim long tok klia long wok kaunim.

Mista Trawen i tok PNG Ilektral Komisina i gat bikpela laik tru long mekim wankain long olgeta wan wan provins na kaunim senta long kantri, tasol em i nidim moa mani.

Nau we wok bilong stretim sindaun bilong

tu-pela nupela provins long kantri i wok go strong, Mista Trawen i tok em i gat bikpela bilip olsem wok ileksen bai kisim gutpela luksave insait long saplimentari baset bilong gavman we bai kamaut neks wik.

Progrem bilong 2012 Nesenel Ilekten i olsem:

- Fraide, Epril 27, 2012 - Opim bilong ileksen wantaim isiu bilong ol Rit pepa;
- Fraide, Me 4, 2012 - Nominesen i pas;
- Sarere, Jun 23,

2012 - Taim bilong vot i op;

- Fraide, Julai 6, 2012 - Taim bilong vot i pas; na

- Fraide, Julai 27, 2012 - Givim bek Rit pepa.

Ilektral Komisen i go het pinis long lainim wok progrem bilong em wantaim wok bilong nius-pepa, televisen na redio media bai tok awenes na tok klia long olgeta wok ileksen i go aut gut long kantri na pipel pastaim long ileksen progrem i kirap.



PABLIK NOTIS

OL GIAMAN TOKTOK LONG NCDC INTENOL ODIT RIPOT

Dispela pablik toksave em long wapela kain ripot bin go raun long sampela intanet we ol toktok long NCDC Intanal Odit Ripot we Siaman bilong Odit Komiti i toksave long en.

Plis, toksave tasol olsem dispela ripot em NCDC Intanel Odit divisen i no bin redim na nogat tok orait i kam long opis bilong NCDC.

NCDC strongim bilip long ol dispela ripot em ol pipel wantaim tingting nogut husat i nogat wok long Komisina na nogat kapasiti na atoroti long redim na salim dispela infomesen.

Pablik mas noken harim na noken bihainim dispela giaman ripot na mas was gut long yusim dispela ripot.

NCDC Intanal Odit i karimaut wok bihainim long Intanel Odit Stats ripot go long Indipenden Odit Komiti.

Tok orait i kam long

MATAPERE TAU
Sif Intanel Odit NCDC na
Odit Komiti Seketeri.

OXFORD, TOK PISIN INGLIS DIKSENERI

Kasim, na pulimapim oda fom tsaurbila na salim i kam long Wantok Niuspepa sapos yu laik taim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Harap na kasim wapela bilong ol dispela gutpela buk we inap strongim Tok Pisin bilong yu.

ORDER FORM

FILE	ISBN	PRICE	QTY	SUBTOTAL
PNC Tok Pisin English Dictionary	9780195551128	K32.00		

Name: _____ Title: _____
 Address (print): _____
 City: _____
 State: _____
 Zip: _____

FAX BACK TO: (675) 325 2579
 Fax to: _____
 Fax to: _____
 Fax to: _____



SINGSING MAN KAM: Ol Hailens sumatin long UPNG i kukim danis long namel rot long welkamim Praim Minista Peter O'Neill na sampela ol narapela minista taim ol i go long kisim petisen bilong ol sumatin long bikpela skul long Waigani. *Poto Nicky Bernard.*

Palamen sindaun bai strongim lek bilong gavman

Neville Choi i raitim

PALAMEN sindaun we bai kamap neks wik Tunde bai kamap rot bilong strongim sindaun na wokabaut bilong gavman i go long 2012 nesanel ileksen.

Las wik tasol, PNG Ilektoral Baundris Komisen, aninit long lukaut bilong PNG Ilektoral Komisina Andrew Trawen, i raun i go lukim ol pipel long Hela na Jiwaka insait long Sauten Hailans provins.

Dispela sindaun bilong palamen, em gavman i tingting long mekim long stretim loa bilong kamapim dispela tupela nupela provins.

Ol arapela bikpela wok progrem gavman i laik pulim i go moa long dispela sindaun bilong Palamen em:

- Tok oraitim bilong moa long K600

- milian Saplimentari Baset;
- Sanapim ol rot bilong bungim mani bilong kirapim fri edukesen;
- Pulim wok bilong kamapim loa bilong ol risev sia bilong ol meri long palamen;
- Senisim ol loa insait long loa i bosim busgraun na wara;
- Kamapim ol senis insait long ol loa i bosim wok maining; na
- Mekim ol senis long edukesen sistem.

Olgeta dispela ol tok promis bilong gavman, em ol i mas stretim pastaim ol loa sindaun bilong ol, pastaim long ol i ken lukim ol i karim gut kaikai i go painim ileksen neks yia.

Tokaut bilong ol rot gavman bai mekim fri edukesen i kamap long 2012, i pulim laik na bilip bilong planti manmeri.

Is Sepik gavana sapatim Somare yet

GAVANA bilong Is Sepik, Peter Wararu i go het yet wantaim kot bilong em i salensim kamap bilong O'Neill gavman, na makim bilong Mista O'Neill olsem praim minista.

Insait long narapela nupela

sut tok Mista Wararu i tromoi long gavman, em i tok ol i hariap long singautim bek palamen kibung long rausim Sir Michael Somare olsem wanpela memba bilong palamen.

Sir Michael i abrusim pinis

olgeta mak bilong wok memba husat i no inap long holim wok moa.

Dispela sindaun bilong palamen neks wik bai laspela kibung bilong palamen bilong em, sapos em i no kamap.

Wok painim rausim namba wan man

WOK painim bilong nesanel investigesen tim gavman i makim long sekim ol paul pasin insait long nesanel plening dipatmen, i kamapim namba wan man ol i tok i asua na stilim mani bilong pipel.

Bisnismen Eremas Wartoto bilong Is Nu Briten, husat em i papa bilong nupela PNG balus kampani, Travel Air.

Polis i bin sasim na holim Mista Wartoto long sas olsem em i paulim samting olsem K7 milian we i bin go long wanpela kampani bilong em long mekim wok stretim long Kerevat Nesanel Hai skul.

Gavman i wok sekim rot em i kisim mani long nesanel plening long strongim ol bisnis bilong em.

KIKSTATIM DEI WANTAIM

NESCAFE Pacific 3in1

Ilektrol Komisin redim midia long 2012

Nicky Bernard i raitim

ILEKTROL Komisin i givim skul long ol nius manmeri long wei bilong ripot long taim bilong ileksen neks yia. Dispela tupela wik kos o skul em Komisin yet i bringim kam.

Long namba wan wik, moa long 20 nius manmeri go stap antap long Kokoda Motel long Sogeri, na lainim wanem samt-

ing ol Ilektrol Komisin i lainim ol.

Dispela skul em ol niusmanmeri mas lainim o skul ol manmeri long ples long wei bilong enrol na tu lainim ripot bilong ileksen.

Planti bilong ol nius manmeri bin lainim gut tru wok ol elektrol manmeri save mekim insait long kantri bilong yumi Papua Niugini.

Dispela skul nau

bai opim ai bilong ol nius manmeri long dispela bikpela ileksen we bai kam long 2012 we ol bai gat sans long olgeta hap ples bilong kandim ol vot na ripot long wanem hap ol elektrol lain I stap long en.

Long dispela wik narapela grup bilong ol nius manmeri go antap gen long kisim wankain skul long helpim ol yet long rere long 2012 nesinal ileksen.



Ol namba wan grup nius manmeri na trena bilong ol, taim ol pinis skul long Kokoda Motel long Sogeri.

Yut Lida singaut long gutpela, strongela lidasip

Paul Fuzo i raitim

WANPELA yut lida insait long wod 2 long Wewak Eben Lokal Level Gavman i tok strong long ol yut man na meri long lukluk gut na makim ol kendidet long dispela 2012 ileksen bai kam.

Cosie Ela i mekim dispela singaut bihain long em i glasim ol hevi i wok long kamap insait long ol komyuniti long ol eben na rurel eria wantaim, we planti bilong ol dispela hevi em ol yut i save stap insait o kamapim.

Cosie Ela em i wanpela bilong ol lain husat i bin kamapim na go pas long wanpela yut muvmen insait long Wewak Taun em i kolim "Y-FABS" o Yut for a better Sepik, long sampela yia i go pinis. Ol yut man na meri i mas lukluk gut na tingting gut bihain long ol yusim dispela demokratik rait bilong ol long vot, Ela i tok.

Yumi olgeta i luksave pinis long ol kainkain hevi em yumi wok long bungim

nau. "Ol prais bilong ol guds na sevises olgeta taim i wok long go antap. Nogat wanpela taim dispela ol prais i bin kam daun liklik. Nogat tru," Ela i tok.

I gat wanpela taim wanpela lida i bin helpim yumi ol pipel na protes tu o nogat? Ela i askim.

Cosie Ela i go het yet na i tok strong long ol Yut manmeri olsem ol i noken kamap olsem wanpela sip tul em wanpela kendidet i ken kam isi tasol baim na yusim.

"Yumi olgeta i mas wok bung wantaim long makim o painim ol gutpela lida. Sapos yumi no makim wanpela gutpela lida, sindaun bilong yumi bai olsem wanem long neks 5-pela yia bai kam?" Ela i askim.

Bipo long yumi bai lus olgeta, yumi olgeta mas putim tingting wantaim nau na wok long painim ol gutpela lida insait long provinsal na nesanel gavman wantaim," Ela i tok.

Ol Wewak distrik lida amamas long gavman

OL WOD memba insait long Wewak Distrik lokol level Gavman i givim bikpela tok amamas bilong ol i go long gavman bilong Peter O'Niell long givim vais ministri bilong foren afes i go long open memba bilong Wewak, Dokta Moses Manwau.

Wod memba bilong wod long Boikin na Dagula LLG, Albert Muring, husat i tok em i makim maus bilong planti ol wod memba bilong Wewak distrik LLG, i tokim Wantok Nius long Wewak olsem taim nupela gavman i bin kisim opis, pipel bilong LLG bilong em na tu Wewak distrik i bin kisim planti tingting taim ol i lukim olsem i nogat wanpela lida bilong Is Sepik i kisim wanpela ministri insait long kabinet bilong O'Niell gavman, tasol bihain taim kabinet i givim vais ministri bilong Foren Affes i go long Dokta

Manwau. "Dispela i givim bilip long pipel na ol wod memba bilong Wewak distrik olsem nesanel gavman bai lukluk long halivim gut Is Sepik PEC na gavman," em i tok.

Mista Marking i tok, pipel bilong Wewak Distrik insait long las fopela yia i go pinis i lus long planti trupela developmen, tasol nau ol i bilip wantaim dispela nupela gavman bilong Peter O'Niell, pipel bilong Wewak distrik bai lukim sampela senis i bai kam insait long komyuniti bilong ol," em i tok.

Antap long sapat we Wewak Distrik lida i soim gavman wantaim open memba bilong Wewak, i gat tok salens tu i sut i go long disisen bilong Is Sepik PEC long pasin nau ol i wok long lidim pipel bilong Sepik.

Wod memba bilong Siro

Wanjo ples insait tu long Boikin na Dagula LLG Abert Piomoing i tok, tingting bilong Is Sepik PEC long putim gavman long kot em i gat pesenal interes bilong sampela liklik lain ol lida tasol na i no makim tingting bilong nupela planti ol kaunsola husat i makim pipel bilong ples.

Mista Piomoing i tok, Is Sepik PEC i makim interes bilong husat stret long kisim nesanel gavman i go long kot.

Em i tok, Is Sepik PEC i westim mani bilong pipel bilong Is Sepik long sevim tasol politikal interes bilong ol yet na wanem samtung tru bai pipel bilong Is Sepik bai kisim aut long dispela kot salens, ekting Is Sepik pipel bai kisim tasol biknem.

Long sapatim toktok bilong Mista Piomoing, Sinia Stetsman John Wauwe i tok moa olsem, em i interes bilong

husat tru em Is Sepik PEC i sevim na makim long kisim gavman i go long kot. Dispela isiu em i interes bilong Is Sepik o interes bilong ol provinsal gavman memba.

Wanem kain sevis nau em Is Sepik PEC i laik givim i go long pipel bilong Is Sepik long kisim gavman long kot.

Eksen bilong nesanel gavman long rausim pawa bilong mani long provins i mas gat as, em mipela i no save, na long mani kwik eksen bilong PEC, o lida sekim ol yet gut bikos kraik bilong mismenesmen insait long Gavman na Administresen bilong provins em i ples klia long maus bilong ol pipel.

Mista Wauwe i tok moa olsem, Is Sepik i save kisim bikpela mani, tasol i nogat trupela senis na developmen i kamap insait long provins.

Kreer Praimeri Skul bod redi long wok

KREER Praimeri skul long Wewak, Is Sepik provins, nau i gat nupela skul bod. Dispela nupela skul bod em ol papamama bilong ol pikinini husat i save go skul long Kreer Praimeri i bin makim tupela mun i go pinis insait long wanpela bikpela bung bilong ol papamama na skul.

Kreer Praimeri em i wanpela bilong ol tripela bikpela praimeri skul insait long Wewak Taun we dispela skul i kamapim pinis planti saveman na meri we tude i sevim ol gavman dipatmen na praivet sekta wantaim insait long provins.

Dispela skul tu em i stap insait long plen bilong Is Sepik Provinsal Gavman long riloket long givim spes bilong ekstensen bilong kamapim bikpela Wewak Intanesenel ples balus, tasol nau yet dispela wok projek i no kamap yet.

Maski skul i no kamapim planti nupela senis bikos long tingting bilong provinsal gavman long riloketim skul, dispela i no stopim skul long kamapim ol plan bilong em long devlopim na givim gutpela save long ol pikinini.

Dispela i lukim PNC i makim pinis nupela skul bod long karim aut wok gen

long dispela yia i go inap 2015. Fiftin skul bod memba olgeta long las wik Trinde i bin holim baibel na tok promis long karim wok bilong ronim skul wantaim pasin i tru na stret aninit long loa bilong skul.

Nupela BOD siaman Dokta Laurence Warangi i tokim ol BOD, memba bihain tasol long swering in seremoni olsem, ol i gat bikpela wok nau i stap long han bilong ol; na long kamapim ol bikpela disisen em i olgeta i mas wok bung wantaim long mekim dispela long gutpela ron bilong skul, Dokta Warangi i tok.

Nupela wara saplai long rurel Ganglau viles

MOA LONG 600 manmeri bilong rurel Ganglau viles long Raikos distrik long Madang provins nau bai i gat gutpela klinpela wara long dring na kukim kaikai.

Dispela i kamap bihain long Ramu NiCo Menesmen (MCC) Limited, kampani we i developim bilien Kina Ramu nikel na kobalt projek i putim kamap aninit long sosel, ekonomik na developmen progrem (SEDP) bilong en.

Dispela wara saplai projek i kos moa long K100,000 na bai lukim 5-pela wara saplai tenk ol i givim i go long ol pipel bilong Ganglau viles.

Eksekutiv Vais Presiden bilong Ramu, NiCo, Gu Yuxiang, husat i opim dispela nupela wara saplai na givim ol tenk i go long ol pipel i tok olsem em driman bilong Ramu NiCo long wokim ol lain samting olsem long kamapim gutpela sindaun bilong ol rurel manmeri bilong ples.

"Wara nau i kam long dua long yupela. Em liklik helpim, tasol sapos yu

lukautim gut em bai bringim kamap gutpela samting long laip bilong yu na sindaun bilong femili," Mista Gu i tok.

Em i tokim ol manmeri tu olsem Ramu NiCo i putim bikpela mani long wokim dispela projek long Raikos, tasol em i go het long helpim tu wantaim ol projek long Raikos olsem peim ol skul fi bilong ol pikinini bilong ol papagraun na i save givim K4,000 medikol saplai i go long Ganglau Helt Senta, we ol pipel i save kisim marasin na sevis long en.

Mista Gu i kisim taim tu long tok tenkyu long ol pipel long sapot ol i givim long dispela projek long Basamuk, we klostu taim bai operesen i stat.

Ganglau viles i stap sampela kilomita klostu long Basamuk, em rifaineri bilong Ramu NiCo i stap long en long Raikos distrik long Madang provins.

Long sait bilong en-vairomen o bus, graun na wara, Mista Gu i tokim ol pipel olsem environmen menesmen na lukautim em

wanpela bikpela samting Ramu NiCo i luksave long en na nogat bagarap bai kamap.

Mista Gu i kisim taim tu long givim tok tenkyu bilong em long ol lain bilong ples, husat i sapotim projek long taim bilong kot bilong dip si teilings (DSTP) i bin kamap. Em i tok ol pipel mas sambai long sapotim kampani taim komisining i kamap na prodaksen i ron.

Viles lida bilong Ganglau, Mou Bilang i makim ol manmeri long tok tenkyu long Ramu NiCo na i tok ol lain bilong em long ples i amamas long kampani na givim olgeta sapot long projek i go het.

"Mipela i givim 100 pesen sapot long dispela projek stat long 2006 yet na mipela bai go het long sapotim yet," Mou Bilang i tok.

Siaman bilong Basamuk papagraun, Lima Mullung i tokim ol pipel long lukautim gut dispela wara saplai na mas stap isi tasol na lukim ol helpim i kam long dispela projek taim operesen i stat ron gut.



Mista Gu Yuxiang katim lip kokonas long opim wara saplai long Ganglau viles na long sait em siaman bilong Basamuk papagraun, Lima Mullung.



Ol lain tumbuna singsing i welkam long Mista Gu Yuxiang .



Ol wok lain bilong Ramu NiCo i sanap wantaim ol lain bilong ples long poto.

1.5 milien yangpela Katolik bung long Wol Yut De

MOA long 1.5 milion yangpela Katolik pipel i bin bung long pre, sea na strongim bilip bilong ol long namba 26 Wol Yut De 2011 i bin kamap long Madrid long kantri Spein (Spain).

Dispela bikpela bung i bin pulim ol yangpela long olgeta kantri long wol we Katolik Sios i stap long en.

PNG i bin salim sampela yut na ol pilgrim i go tu husat i bin bung wantaim ol wanlain bilong ol long wol

na go insait long ol program we bung i bin ranim long en.

Bung i bin kamap long wanpela wik olgeta we ol yangpela i bin stap insait long ol kain spiritual n a sosel program.

Long Sarere nait pastaim long neks de Sande we hetman bilong Katolik Sios long wol, Pop Benedict 16, i bin go pas long misa lotu long pinisim dispela bung, ol yangpela i bin mekim ol preia vijil na i no slip.

Long toktok bilong em long ol yangpela, Pop Benedict 16, i bin wokim strongpela toktok i go long ol yangpela long noken tingting long ol yet bikos dispela em i wanpela bikpela salens ol nupela jeneresen Kristen i wok long bungim.

"I gat bilip i min olsem wokabaut na kisim sapot long ol narapela brata susa bikos long wankain taim, bilip bilong yu bai sapotim ol narapela," Pop Benedict i tok.

Ol bisop bilong Rom i bin singautim ol yangpela long gat laik long sios na stap insait long ol wok long ol peris, go long sios na kisim komyunio olgeta Sande, wokim bel isi pasin na pre na lotu long Tok bilong God.

NAMBA 27 Wol Yut de bai kamap long 2013 long Rio de Janeiro long kantri Brazil long Saut Amerika.



Helt bilong yumi

LONG Tunde, 23 Ogas 2011 long moning, mi kisim kar na go long wokim misa long haus lotu long Hanu-abada.

Taim mi kam bek, mi kirap nogut tru bikos mi lukim wanpela dok i dai pinis i stap antap long diwai long rot, long fran bilong haus dua bilong mi stret.

Mi no save, olsem wanem na dispela dai dok i kalap na slip antap long diwai. Sampela lain i mas karim i kam na lusim.

Mi wari, bikos mi bai go skulim Bahasa Indonesia long Indonesia Embasi inap long apinun. Sapos mi larim dispela dok i stap, em i bai sting na smel nogut bai bagarapim haus na ples nabaut. Olsem na mi bin askim wanpela man long helpim mi long kisim na karim dispela dok i go na planim.

Pastaim em i sutim tok long ol man husat i bin tromwe dispela dai dok. Tasol mi tokim em, yumi no save husat dispela man. Nau yumi mas painim we bilong planim em bipo smel bilong em i bagarapim yumi.

Bihain long planim dispela dok, mi bin tokim dispela man long wasim han na lek bilong em. Mi givim sop na bihain em i karim dispela sop i go long haus bilong em. Wanpela de bihain em i kam bek long mi na askim mi long sampela mani long baim em. Bikos em i bin helpim mi long planim dispela dai dok.

Mi tokim em: **"yumi mekim dispela wok i no bilong helpim mi tasol. Em bilong helpim yumi olgeta. Sapos yumi no planim em, smel bilong em bai bagarapim ples bilong yumi. Bilong wanem yumi mekim wok bilong helpim yumi yet, tasol yu askim mi long baim yu?"**

Sampela wik i go pinis, PNG i selebretim Nesenal Helt Wik.

I gat naispela selebresen long sampela opis na planti gutpela toktok i kamap long dispela de bilong kamapim gutpela helt bilong ol pipel long Pot Mosbi.

Taim mi harim dispela naispela toktok long TV, tingting bilong mi go long manmeri i stap long strit bilong mi. Manmeri i save salim kaikai na buai long rot, manmeri i stap long setelmen.

Stendat bilong helt bilong dispela pipel i no gutpela tumas.

Bilong wanem? Bikos ol i no save gut tumas long mining bilong helt. Ol i tingim helt em i samting bilong haus sik, samting bilong dokta, nes o narapela helt woka. Planti i no save waswas, bikos i nogat wara long setlemen o long ples ol i stap long en.

Planti i no save wasim kaikai bilong ol bikos i nogat wara. Planti i no save brumim o klinim ples na haus bilong ol. Rabis i pulap long haus na ples ol i stap long en. Ol i no save klinim o brumim ples.

Sapos ol i no inap wokim wok long haus bilong ol, taim ol i go aut long strit o maket o wokples, pasin bilong ol bai wankain.

Olsem na yumi lukim rabis na spet buai i stap long olgeta kona bilong Mosbi, bikos manmeri i no kea long helt bilong ol yet na helt bilong ol narapela.

Mi bilip olsem stendat bilong helt bilong yumi bai kamap gut, sapos yumi save tingim ol arapela. Awenes program long helt i mas kamap long setlemen, skul, na komyuniti bilong yumi. Helt woka i mas kam aut long opis na wokim kampein o awenes long manmeri long ples.

Nesenal Helt De i no bilong wokim naispela selebresen long opis na givim naispela toktok.

Taim bilong toktok, em i stap taim yumi stap long skul. Sapos yumi pinis skul na kisim wok olsem helt woka, em i taim bilong mekim wok nau, praktisim save yumi lainim long skul.

Helt em i wanpela bikpela isu bilong kantri bilong yumi. Yumi inap long daunim dispel hevi, sapos yumi yusim gut save na material bilong helpim ol pipel.

Narapela kantri inap long lukautim kantri bilong ol na manmeri i kisim gutpela helt long laip bilong ol, bilong wanem Papua Niugini i no inap?



SINDAUN ISI NA HARIM TOK SKUL: Kongriksen long Avarua Metodis Sios long Rarotonga, Kuk Ailan, i sindaun harim ol tok skul bilong pasto. Ol meri i save bilas olsem putim hat na go long sios. Wantok Fail Poto

Pukpuk luteran kongriksen wokim fan resing

Paulus Tali i raitim

OL KRISTEN i mas lukluk gut long ol giaman profet husat bai kam na bagarapim na paulim ol sipsip bilong sios. Olsem na i moabeta long holim strong long bilip i stap.

Siaman bilong Pukpuk Luteran kongriksen insait long Lae Siti, Gedia Yassap, i tok olsem long tenks giving lotu bung bilong ol kongriksen long las mun.

Pukpuk kongriksen i bin wokim fan resing long nupela sios bilding bilong ol long dispela tenks giving de lotu we i bin lukim ol bikman olsem Morobe Gavana, Luther Wenge, i go kamap long dispela tenks giving de lotu.

Siaman Gedisa i tok as tingting long kamapim dispela tok tenkyu lotu na fan resing long sapotim haus

lotu projek bilong ol.

Sikspela kongriksen i bin kamap long lotu na wokim fan resing em long Som, Tisarasira, Nariwayang, Uyeng, Pukpuk yet na Wangengest.

Siaman Gedisa i tok, maski bikpela ren i pondaun, ol Kristen manmeri i strongim bilip bilong ol na na kam.

Gavana Wenge i tok planti taim em i save asua tasol Bikman i save daunim asua bilong em. Olsem na em i tok olsem man i makim gavman, em bai givim sapot taim pipel i askim em.

Kongriksen i bin kamapim K6,000 long dispela de.

Ol i laikim manimak inap long K24,000 long sanapim nupela sios bilding bilong ol.

Long wankain taim tu, kongriksen long Situm n a Laulu Luteran seket we i hap bilong Imanuel kongriksen i

bin wokim tok tenkyu misa lotu na fan resing bilong ol long sanapim tu nupela haus lotu bilong ol.

Dispela i no bikpela kongriksen memba i kam long ol planti hap na ol bin go bung long mekim wok long sapotim samting ol i laik kamapim.

Ol Geyamsau mama grup i bin wokim senis basket olsem hap long fan resing wok bilong ol long helpim sanapim nupela sios bilding projek.

Ol grup long kongriksen i bin bungim ol ofa bilong ol na givim em long Busa, Minim, Buang na Salamaua, Makbun, Makam na Bukawa na Mumeng.

Wanpela pasto husat i bin autim Tok bilong God em, Pasto Madawasa Pumai.

"Yumi ol luteran i mas wokabaut bihainim lait na soim

pasin bilong givim bel, wok bung wantaim wanpela narapela na bikos dispela em i rot tru bilong bringim gutpela wanbel long narapela," Pasto Madawasa i tok.

Abraham Waiyum i wanpela bisnis man i gat konstraksen kampani bilong em i bin givim K500 donesen long sios bilding projek.

Siaman bilong kongriksen, Robert Lombo taim em i autim tok amamas long ol sapot we kongriksesne i kisim long ol wok fan resing bilong em, i bin tok maski ol i liklik kongriksesne, God i save lukluk long bel bilong ol.

Mista Lombo i tok tru, Imanuel kongriksen em i liklik, tasol mak bilong ol bilip manmeri i wok long go antap. Olsem na ol i laik bilding sios bilding we i ken inapim olgeta bilip manmeri bilong em.

Asples meri atis bilong Lockart i kam gut

BUNGIM Rosella Namok. Em i gat 31 krismas, na em wan-pela yangpela meri bilong Lochart Riva long Keip Yok (Cape York) long Far Not Kwinslen long Australia.

Rosella em i wan-pela atis i save droim ol samting na nau, nem na ol atwok bilong em i kukim olgeta hap bilong wol long wanem, ol i lukim long Berlin long Gemani, Nu Yok, Sidni, Brisben na long dispela yia, London.

Taim em i liklik, Rosella i save helpim

papa bilong em i penim skin bilong ol lain i laik wokim tumbuna danis.

Em bin skul long ats long hai skul tasol bikpela intres na laik long kamap wanpela atis em i bihainim tupa-pela marit tisa, Geoff na Fran Butler i bin go wok long komyuniti bilong Rosella na skulim ol pikinini long dro. Bikpela intres i bin kamap na tude, ol yangpela pipel long Lockhart i gat Rosella long en i kolim ol yet Lockhart Riva At Geng.

Rosella i save yusim ol samting long environ-

men, bus wara na ples bilong em long kamapim ol droing na atwok bilong em. Nau Rosella i stap long Kens (Cairns) na mekim wok na tu, lukautim tupela pikinini bilong em i skul long hap. Long yia 2001, Rosella i bin kisim nem olsem wanpela long ol 50 top atis long Australia.



UPNG sumatin meri mekim gut na go long Japan

WANPELA sumatin meri long Yunivesiti bilong PNG (UPNG) i mekim gut tru long Tokples Japan kos na em i bin lusim PNG aste long mekim wanpela stadi raun i go long Japan long tupela wik.

Lindah Kila Keremoi em dispela sumatin meri i bin lusim PNG aste long 15-pela de stadi raun long Japanna kam bek long kantri lonmg Septemba 14.

Wokabaut bilong em i go long Japan i kamap aninit long Japan Faundesen Stadi Tua Awod we ol foren sumatin o sumatin bilong ol narapela kantri i mekim gut long lainim tokples Japan.

Ol i wokim dispela progrem long ofaim ol sumatin i wokim gut long lainim Japan Tokples long ol yunivesiti, ol kolis na edukesen institusen ausait long Japan sans long raun i go long Japan na skruim save bilong ol long kalsa na sosaiti bilong Japan.

Long stap bilong em long Japan, Lindah bai mekim lukluk raun i go long ol na kalserep ples. OLsem hap bilong progrem, Lindah bai stap tu wantaim wanpela famili bilong Japan long sampela de.

Embasi opis bilong Japan long Mosbi i tok noken senisim de na taim bilong go yu yet bikos olgeta samting i stret na ol i wokim long bihainim ol wok na taim ol progrem sumaitn ya bai stap long en i kamap.

Save i Ken Helpim:

Moa long wanem wel o oil na gris i gutpela long yu

Flaxseed o flaksid em i wanpela gutpela wel na olsem Walnut wel, em i gat omega-3 fet o gris long en na ol narapela gutpela samting i stap olsem banis long man i noken kisim ol sik long lewa. Jenel bilong Klinikel Nutrisen i tok flaksid i save daunim presas long blut bilong man i noken go antap (High Blood Pressure).

Flaksid i gat ol gutpela samting we i lukautim skin sikirap, skin i kamap na stap gut na skin i no go drai. Noken kuk wantaim flaksid oil, tasol yusim long dresim saled.

Moa long neks wik



PNG SUSTAINABLE DEVELOPMENT PROGRAM LTD



PNGSDP strongim tingting bilong ol meri long Manawete

Long maus bilong bikpela Flai Riva i gat ples bilong 15,000 manmeri husat i stap long 20-pela viles na dispela ol lain em ol patna namel long 90,000 pipel hust i stap insait long progrem em PNGSDP i sapotim we i stap insait long wok bilong Ok Tedi Main.

Ol meri long dispela eria i bin askim mipela long strongim wok bilong ol long kamapim wanpela risos senta, we ol i ken bung na lainim samting na strongim ol yet. Ol meri i laik mekim progrem bilong ol i go bikpela na bungim wanem ol salens i kam long sapotim komyuniti bilong ol na tu famili bilong ol long bringim kamap gutpela wok.

Long mun Ogas 2009 mi amamas long stretim kamap wanpela agrimen namel long ol lida meri, Manawete Developmen Faundesen na PNGSDP long helpim ol meri long lukim driman bilong ol i karim kaikai. Long Novemba 2010 dispela driman i kamap tru taim ol i opim nupela senta long Teapopo, wanpela gavman setelmen insait long komyuniti.

Dispela Senta i lukautim ol progrem em ol Manawete wimen o meri i ronim, na dispela i karamapim famili helt (olsem nutrisen, na lukautim na klinim ples) wokim na kamapim ol samting long salim, developmen bilong wan wan manmeri, lainim long kuk, samap, hom ekonomiks, atifeks prodaksen, bisnis developmen na ol jeneral miting.

Dispela bilding o haus em spesel ples long mi. Em mak bri bilong ol wok na bilip bilong ol meri husat i save stap long ol eria we main i kamap samting olsem 800 kilomita longwe long ples bilong ol. Em wanpela long planti gutpela piksa o eksampel PNGSDP i kamaopim insait long Westen provins we i soim olsem planti pipel nau i wok long kisim helpim i kam stret long main. Wantaim K61,000 i kam long Manawete Women and Children's Community Mine Continuation Agreement (CMCA) Funds, K132,600 bilong Manawete Developmen Faundesen na K127,000 i kam long PNGSDP em i kamap olsem gutpela eksampel o piksa long wanem driman i kamapim wantaim gutpela wok-bung wantaim bilong ol patnas long sait bilong developmen insait long rijon.

Taim gavman wantaim OTML na PNGSDP i kamapim wanpela K1.1 bilien kompensesen long 1997 wantaim ol komyuniti we i stap klostu long main ol i plen olsem dispela ol helpim i ken go long moa developmen we ol pipel yet i glasim na laikim long kamap. Ol komyuniti i bungim planti salens taim ol yet i mekim wok na kamapim ol disisen long sait long putim mani long wanem eria ol i laikim, na sampela taim wok ol i plen long en em bikpela mani tumas na salens tu i go bikpela.

Ol meri long ol eria we main i bringim sevis insait long rijon i lukim planti salens olsem na ol i makaim wantaim ol tingting na plen long kamapim wanpela 10-ya developmen plen we ol i lonsim long 20078. Dispela Manawete Wimens Risos Senta em bikpela driman bilong ol meri pastaim long ol i lonsim developmen plen. Ol meri i kisim sapot i kam long provinsal gavman, ol eid dona na ol sampela hap long lukim driman bilong ol i karim kaikai.

Mi tok tenkyu long gutpela konstraksen wok bilong Regional Engineering na Join Vensa wok bung bilong Ok Tedi Flai Riva Developmen Progrem long dringim kamap dispela gutpela samting.

Tok amamas bilong mi i go long ol meri long Manawete long gutpela tingting na luksave long bihain taim bilong ol pikinini bilong yu

- I kam long opis bilong CEO (article# 8 bilong 2011)



CEO: David Sode



Gavman bilong mi na Namah, Bai mipela rausim korapsen na givim fri edukesen long elementri igo inap gret 10 na noken bikhet long Natskol alowens!

Em nau!!

WANTOK
KOMENTRI

Tingim ol tisa na sindaun bilong ol skul

2012 bai wanpela bikpela yia tru. Em i yia we bai yumi lukim nesenel jeneral ileksen bilong yumi i kamap.

Namel long nau na ileksen, gavman bilong Peter O'Neill na Belden Namah i traim long kirapim na sanapim sampela ol rot bilong lukim ol tok promis bilong ol i karim kaikai.

Ol tok orait long givim moa luksave long edukesen, we Mista O'Neill i autim dispela wik em i gutpela nius tru long ol savemanmeri bilong yumi, ol lain i save raitim ol polisi na loa buk bilong yumi, na tu, em i krai swit tru long ia bilong ol papamama long ples.

Skul fi hevi, em i no wanpela liklik hevi. Olgeta papamama i stap long ples, na i gat pikinini i skul, i save long pait bilong dispela hevi.

Ol i mas traim bungim mani bilong skul fi, na tu, bungim mani bilong strongim gut ol pikinini bilong ol.

Nau, olgeta krai bilong ol i pinis wantaim toksave bilong praim minista.

Dispela i givim nau bikpela wok tru long gavman long inapim tok promis bilong em long pipel.

Sapos ol i no sanapim gut fri edukesen long kantri neks yia, bai yumi lukim gavman i senis, na ol polisi bilong strongim bek pipel long givim moa save, bai lus nating.

Namba wan bikpela salens bilong gavman, em bilong strongim olgeta samting we bai poromanim dispela fri edukesen program.

Hevi ol tisa bilong yumi long ol liklik ples i save karim, i no liklik samting.

Laik na bilip bilong ol tasol long ol pikinini bilong yumi, i save strongim ol i stap, wantaim halivim ples komyuniti i save givim long wan wan taim.

Sindaun bilong ol tisa long olgeta skul long kantri, i mas gutpela long lukim fri edukesen i karim stret kaikai bilong en.

Sapos dispela i ken stret pastaim long O'Neill-Namah gavman i go insait long ileksen neks yia, bai yumi lukim mobeta sindaun long sait bilong skulim ol lida bilong yumi long tumora.

I gat rot i stap long painim tru tru strong na save bilong yumi Papua Niugini.

Yumi mas gat bilip bilong poromanim tingting bilong yumi long opim nupela rot, na kirapim senis nau, na i no long bhain.

Taim i sot long gavman

NUPELA gavman bilong Peter O'Neill na Belden Namah i tok long mekim wok painimaut i go insait long ol wok we bikpela mani bilong gavman bin go long en we i no bihainim stretpela rot long kisim mani. Kain olsem K125 milien bilong Nasfund, K1.5 bilien bilong Nesenel Plening we olpela gavman tok ol i skelim go long ol projek long ol distrik, K10 milien we i bin go long wanpela balus kampani na arapela moa.

Bikpela askim nau em, bai wok painimaut ya bai kamap tru na holim ol man i asua na kalabusim ol o nogat?. Na dispela Gavman inap pinisim dispela wok painimaut tru o nogat?

Mi mekim ol dispela askim bikos dispela Gavman i gat 8-pela mun tasol long mekim wok bikos Epril 2012 em taim bilong nesenel ileksen na nogut bai i nogat taim long kamapim na pinisim ol dispela wok.

Narapela tu em dispela Gavman i laik kamapim ol bikpela projek olsem stretim ol rot na bris insait long



kantri. Em bai kisim helpim mani mak olsem K200,000 milien i kam long Asian Development Bank (ADB). Tasol nogut em bai nogat inap taim long stretim olgeta rot insait long kantri bikos taim bilong ileksen em kamap pinis. Tingim, Gavman i gat 8-pela mun tasol long mekim wok.

Sapos dispela Gavman i ken go het na strongim ol wok we i stap pinis na putim moa mani go long ol distrik wanwan long kirapim ol sevis we i bagarap na stap long en.

Maski long westim taim long painim asua bilong olpela Gavman na tromoi bikpela mani go long ol Kot nabaut ya. Gutpela long ol ripot i kamap na stap ples klia na larim wok bilong Lo yet i go insait long holim na sasim husat lain i asua long paolim mani bilong pipel. Nau yumi harim na ritim

olsem Gavman i laik rausim pawa bilong ol Provinsel Gavman long sait bilong yusim mani. Ol i laik mekim long Is Sepik Provinsel Gavman na Morobe Provinsel Gavman. Liklik tu mipela harim olsem ol laik mekim tu long Oro Provinsel Gavman.

Sapos ol mekim olsem, tu tumas bai ol Gavana bilong ol dispela provins wantaim Provinsel Asembli bilong ol bai nogat pawa long kamapim wanpela projek o ol wok bikos ol no inap sainim na rausim mani. Dispela pawa bai stap tasol long han bilong Fainens Dipatmen long Waigani.

Nogat man i klia yet long as tingting bilong dispela tasol sampela tingting em Gavman laik bekim bek na daunim ol Gavana husat i bin sanap egensim ol long taim bilong senisim Gavman long las mun. em ples klia tingting tasol na as tru em yumi no klia yet.

Tasol bikpela samting em noken westim taim long kainkain pasin bilong bekim bek o daunim narapela narapela bikos nogat taim nau

long mekim wok bilong kantri. Planti samting em kantri i mas gat long go het wantaim. Kain olsem Gavman i tokaut pinis long Fri Edukesen. Orait go het nau na painim mani na mekim plen billong dispela Fri Edukesen mas wok gut na kamap gut long neks yia.

Mekim Fri Edukesen i kamap olsem Lo o polisi bai nogat Gavman i kamap bihainim na tanim tanim na senisim nabaut. Em bikpela sevis bilong pipel olsem na noken pilai politik long en.

Mipela laik lukim Fri Edukesen i kamap tru tru na i no bilong grisim mipela long 2012 nesenel ileksen tasol.

Kantri i gat bikpela bikpela projek olsem oil na ges, LNG, ol maining, timba, fis na planti moa. Olsem na strongim ol dispela projek bai kantri i gat mani na ol pipel ken gat mani bilong lukautim ol yet na i ken baim marasin na skul fin a mekim ol liklik wok bilong ol yet.

Taim i sot olsem na mekim samting stret we i gutpela long interes bilong kantri na ol pipel.

WANTOK
Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 50%, Lutheran 25%, Anglican 10%, United Church 15%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Glasingim Bisnis

long Morobe



Givim sans long ol manmeri long amamas wantaim gutpela laip- p12



International food Corporation mekim wok operesen go bikpela moa yet - p13



Nupela masin bilong wokim bisket em ol wokim long kolkat, India - p18



Coca Cola givim naispela teist na helpim developmen bilong Papua Niugini - p15



Saplimen bilong Wantok Niuspepa Ogas 31 - Septemba 7, 2011



Givim sans long ol manmeri long amamas wantaim gutpela laip

Hidden Veli main i stap long givim moa gutpela helpim i go long ekonomi bilong Bulolo distrik na Morobe provins.

Taim dispela main i go insait long olgeta wok operesen bilong en, Hidden Veli bai kamapim olsem K3 milien long wan wan de na bringim kamap planti milien Kina long sait bilong takis, sevis na royalti. Main i peim moa long K22 milien i go pinis olsem royalti inap long mak pinis bilong mun Jun 2011. Sampela ol bikpela wok helpim Hidden Veli main i givim em long sait long givim wok long ol lokal manmeri, bisnis developmen, komyuniti developmen projek na wok em i kamapim long stretim ol rot na bris insait long distrik.

Long nau yet main i givim wok long moa long 2000 wokman/meri na ol kontrakta. Ol wokman stret bilong main em 800.

Hidden Veli main i givim gutpela ol sait bisnis (spin offs) wok long ol kampani bilong ol lokal papagraun. Bikpela long ol dispela em NKW Holdings Limited. NKW i gat bisnis we i save bringim samting olsem K60 milien olgeta long wanwan yia. Em i wok insait long sampela ol bikpela sapot kontrak em yet, ol wantaim ol arapela join vensa



Babuaf Eid pos insait long Lowa Watut em wampela projek Hidden Veli main i givim mani long kamapim.

patna.

NKW i stat long developim ol autsait bisnis wok na lukluk long bringim kamap moa namba bi-

long ol arapela bisnis kontrak. Em i givim wok long samting olsem 300 wokman/meri.

I gat planti ol narapela liklik na

medium bisnis husat i wok klostu wantaim main. Olgeta ol dispela lain i helpim long strongim ekonomi bilong provins.

bilong main bihainim ol risoses we i stap em 5.6 milien Oz Au na 102 milien Oz Ag.

Hidden Veli, na ol ol kontrakta bilong en na ol narapela lokal kampani we i save givim wok long ol lokal pipel em PNG Forest Products, Zenag Farms na Niuminco Maining na ol dispela lain i sanap strong olsem Bulolo Ekonomik eria—olpela ekonomik dua long PNG long bringim kamap gutpela bisnis wok lon sapotim ekonomi bilong Morobe na Papua Niugini.

Hidden Veli Main i bin statim ofisal wok bilong en long mun Septemba 2010. Bikpela prosesing plent bilong en em ol i wokim long stretim na redim gut 4.2 milien ol ston bilong graun long wan wan yia. Main bai kamapim mak olsem moa long 250,000 auns gold (Oz Au) long wan wan yia na 4 milien auns silva (Oz Ag) long wan wan yia.

Laip bilong Hidden Veli Main em 14-yia bihainim wanem ol risev olsem 3.7 milien Oz Au na 64 milien Oz Au. I gat bikpela bilip olsem bai ol i surikim laip



Nupela wara saplai long ples Tsilitsili.



International Food Corporation mekim wok operesen go bikpela moa yet

DOREEN POLOH bilong IFC i raitim

INTERNATIONAL Food Corporation (IFC) em wanpela namba wan fis keneri insait long Papua Niugini we i kamapim fektori bilong en long Lae long yia 1992. Na long nau dispela kampani i gro i go bikpela na i go pas tru olsem wanpela bikpela produsa o lain i kamapim tin mekerel insait long kantri.

IFC i go pas tru olsem lain i save kamapim Besta tin mekerel, we nau i stap olsem

bikpela nem bren mekerel long PNG, na dispela kwaliti prodak em ol Papua Niugini yet i wokim kamap bilong ol manmeri bilong Papua Niugini stret.

IFC i bilip tru olsem em i mas go het moa long gro na mekim wok operesen bilong en i go bikpela moa. Olsem na wantaim dispela gutpela tingting. Em i yusim na mekim wok prodaksen long fektori i go bikpela moa na tu i mekim yus long gutpela wok i kamap insait long prosesing bilong mekerel fis insait long tin na i go tu insait long tuna prodaksen.

Dispela tuna prosesing projek we IFC i go insait long en long pinis bilong yia 2009 em wanpela bikpela wok tru na bai pusim IFC i go fowat moa olsem wanpela long ol bikpela tuna prosesing kampani insait long rijen. Dispela projek i go wantaim lukluk bilong PNG gavman long mekim kantri bilong yumi i kamap olsem tuna senta bilong wol.

Dispela projek i no min olsem em i kamapim bikpela invesmen tasol long fektori, em i kamapim tu wok long moa long 2000 nupela wok-

man meri insait long moa long 3 na 4 yia bilong projek i go het.

Wanem ol arapela sait bisnis we i kamap long dispela projek bai helpim gut tru lokal ekonomi. Tuna loin na ken tuna em ol i redim long salim i go ovasis na bai opim ap moa maket bilong kampani na tu kantri.

Putim kamap bilong IFC Tuna prosesing em wok i pinis long en long las bihain na prodaksin tu i stat pinis long pinis bilong las yia.

Insait long dispela plent bai i gat moa wok long tuna prodaksen na ol lokal kastoma bai amamas long kaikai kain kain ol fleva tuna prodak we bai go wantaim kaikai long stretim gut ol femili na wantok long PNG.

Sif Eksekutiv Ofisa bilong IFC, Rosedean Zaily Dzulkfli i tok olsem onso tuna prosesing projek i go wantaim polisi bilong Nesenel Gavman kamapim invesmen long lokal prosesing.

Besta
FINEST QUALITY
MACKEREL
NATURAL OIL

Besta
FINEST QUALITY
MACKEREL
TOMATO SAUCE

Besta
FINEST QUALITY
MACKEREL

It's Better, It's Besta!

FINEST QUALITY

RICH IN OMEGA 3 OILS

PNG MADE

PNG MADE

PNG's No.1 MACKEREL



Sait bilong IFC fektori long Malahang i soim moto o gutpela het-tok bilong kampani long wok bilong en. *Poto: James Kila*



Ol wokmeri bilong IFC i pekim ol Besta tinpis long katen. *Poto: James Kila*



Coca-Cola givim naispela teist na helpim developmen bilong Papua Niugini

Coca-Cola i bin givim naispela teist na stretim nek drai bilong ol kastoma stat long 1886 na i sevim moa long wan bilien taim long wanpela de insait long moa long 200 kantri insait long wol. Wantaim ol operesen bilong en long Australia, New Zealand, Fiji, Indonesia, Papua Niugini, Coca-Cola i stap yet olsem bikpela lain bilong wokim ol Coca-Cola prodak insait long Asia-Pasifik rijon.

Long pastaim tru long 1960, Coca-Cola i stap olsem hap bilong PNG kalsa na i makim olgeta feveret hap bilong wan wan de. Coca-Cola Amatil (PNG) Limited i amamas long kamapim moa long 60ol PNG Meid drink long fektori bilong en long Lae insait long Morobe provins. Coca-Cola Amatil i wokim na salim ol prodak bilong en long wol wantaim gutpela luksave na ol gutpela bren wantaim Coca-Cola na ol top na naispela drink bren olsem Coke Zero, Fanta, Sprite, Lift, na Schweppes, na tu ol narapela dring olsem Golden Crush Cordial, Nature's Own wara na Orchy jus drink.

Coca-Cola i givim wok long moa long 850 wokman meri na 50% long ol dispela wokman meri i stap wok long Lae, Morobe provins. Wantaim wanpela fektori bilogn en we i save pulumapim 5-pela botol lain long Lae, CCA i makim 19-pela eria insait long Papua Niugini.

"Coca-Cola Amatil i wok strong na i gat gutpela tingting long developmen bilong Papua

Niugini long sait long givim wok na invesmen bilong operesen bilong mipela," Jeneral Menesa, Colin McVea i tok.

"Mipela putim kamap K4 milien invesmen long wanpela CO2 fektori long Lae, we mipela bai komisinin klostu taim, na tu mipela i kisim graun long Erica Strit long mekim operesen bilong mipela i go bikpela. Mipela i stat pinis long woim wanpela nupela prodaksen fektori long sapatim ol wok go het bilong mipela wantaim mani mak olsem K30 milien long Mosbi," Mista McVea i tok.

Em i tok tu olsem bikpela mani long sait long bisnis insait long PNG i save go long sekuriti na sait long stretim ol kar. Narapela samting tu em pawa saplai i no save kam gut na tu pawa i save stop, na bikpela mani tru i save go long invesmen long ol bekap jenereta long ronim fektori bilong ol.

Ol samting ol i save yusim long wokim kamap Coca-Cola em sip i save karim i kam long PNG long longwe ples olsem Ireland. Ol dispela samting em bodi na PET prifom ol i save yusim long wokim Coca-Cola drink. Ol lokal saplaia i gat spesel patnasip tu wantaim Coca-Cola Amatil wantaim ol samting olsem suga na pepa katen.

Long 2005 Coca-Cola Amatil i lon-sim wanpela bikpela kempein bilong en ol i kolim "Baim PNG Meid Tasol" na dispela kempein i stap yet tude olsem wanpela ki

Coca Cola feivaret sof drink.



marketing progrem. Dispela "Baim PNG Meid Tasol" i askim ol kastoma o lain husat i save dring Coca-Cola long lukluk long PNG Meid logo long ol Coca-Cola prodak em kampani i salim insait long PNG. Bikpela toksave em long olgeta lain insait long Papua Niugini long sapatim PNG Meid Coca-Cola prodak tasol bikos em i helpim kantri bilong yumi PNG. Dispela em bikpela toktok Nesenel Maketing Menesa, Louise Maher it ok.

"Long 2009 mipela i developim PNG Meid toksave bilong mipela long Coca Cola pakesing bilong mipela wantaim stail disain bilong PNG stret, na long 2010 mipela i launsim nupela TV komesal long toksave gut long ol kastoma na lain husat i save dring Coke long sapatim PNG Meid prodak bilong mipela"

Coca-Cola Amatil em namba wan kampani insait long koporet sekta long lonsim HIV/AIDS

Wokples Polisi na Progrem long 2005. Insait long 3-pela yia, kampani launsim HIV/AIDS konsuma aweanes kempein yusim Nature's Own wara botol, na dispela em planti lain long PNG na ovasis i laikim tru.



Coca Cola prodaksin lain kwaliti kontrol long Lae.



Coca Cola prodaksen lain.



Ol sels wokman meri bilong Coca Cola long Lae i sanap long tumbuna bilas.



Nupela masin bilong wokim bisket em ol wokim long Kolkata, India

James Kilai raitim

LONG mun Julai 2007, Sir Henry Chow wantaim famili bilong em i kamap wantaim disisen long wokim wanpela nupela bisket fektori long helpim prodaksin bilong tupela fektori bilong Lae Bisket Kampani i stap long Lae na long Gerehu long Mosbi.

Dispela em bikos dispela tupela fektori i go bungim pinis mak long sait bilong prodaksin na bringim saplai igo long askim ol pipel bilong PNG i save gat long dispela gutpela bren bisket em SNAX.

Wanpela bikpela wok risets o painimaut long sait bilong wanem ol teknoloji i stap i bin kamap. Na bihain long planti ol toktok igo kam namel long Intanesinol konsultesin na wok bung wantaim i kamap wantaim disain bilong nupela fektori wantaim ol narapela bilding i bin kamap.

Wanpela lokal akitek, o man bilong droim disain i bin droim ol akitek plen bilong ol bilding na wanpela lokal PNG Konsalting Enjiniering kampani i bin kisim wok long stretim gut wanem ol bilding bai



sanap long dispela nupela fektori bilong wokim bisket.

Sir Henry Chow i tok olsem planti ol tingting i bin kamap long bringim wanem masin tru long wokim bisket olsem ol beking oven na ol masin i kam long Yurop, Saina na Japan. Tasol ol i skelim igo na makim India.

Dispela masin long wokim ol bisket em i bihainim disain bilong Britis tasol ol i wokim long Kolkata long kantri India.

Long mun Janueri 2008, Mista Frank Goodwin bilong Bellawin Enjiniering Pty Ltd bilong Melbon, Australia, em ol i kisim em long go pas olsem supavaisa bilong disain,

konstraksin na instolesin bilong bisket fektori na long mun Me 2008, Mechtech Disainas na Enjinias PVT LTD (LAHA Famili) i bin kisim kontrak long redim fainol disain na wokim dispela bikpela ol masin long Kolkata long India na salim long sip igo long Lae. Ol lain long Mechtech long Kolkata long

Nupela masin i muvim ol bisket long redim long fektori.

India i bin salim tu ol teknisen na enjinia long putim wantaim ol dispela masin long nupela fektori long Kamkumung long Lae. Nambawan ol 27-pela ol masin bilong wokim bisket i bin kamap long Lae long mun Ogas 2009.

Na bihain long dispela 90-pela kontena wantaim ol samting bilong fektori i bin lusim Kolkata long sip na go long Lae. Dispela ol las masin bilong bisket fektori i bin kamap long Lae long Novemba 2009. Na ol teknisen na enjinia bilong Mechtech i bin go kamao long Lae long namel long mun Septemba 2009 long putim wantaim ol masin na redim masin long wok. Ol dispela nupela masin em tupela masin bilong wokim bisket, em wanpela lain em 105 mita longpela na wanpela tanel oven na masin bilong wokim bisket.

Nambawan lain bilong wok prodaksin bilong bisket i bin pinis long Disemba 31st 2009 na ol i traim wok long en insait long mun Janueri. Ol lain enjinia husat i bin kam long India i bin putim wantaim namba-tu prodaksin lain long Novemba 2009 na i pinisim wok long Februari 2010.

Lae Bisket Kampani wokman meri save kisim fri kaikai na tu ples bilong waswas

James Kila i raitim

MOA long 450 wokmanmeri bilong Lae Bisket Kampani, husat bai stap wok long nupela fektori long Kamkumung long Lae siti bai kisim fri kaikai long olgeta de na tu ol i

Dispela ol naispela samting em kampani bai givim igo fri tasol long ol wokman meri long fektori bilong ol long lukim ol wokman meri ya i mekim gut wok.

Wantok Niuspepa i bin mekim lukluk raun igo insait long mes o ples we ol wokmanmeri bai kisim kaikai na tru tumas dispela ples em naispela tru na i gat ol sia na tebol olsem ol hotel ples tru. i gat tu ol saveman bilong kukim kaikai i stap we i save redim ol gutpela kaikai tru we i wankain olsem ol kaikai bilong hotel stret.

Dispela kain gutpela pasin Lae Bisket Kampani long lukautim ol wokmanmeri bilong en long fektori long Kamkumung em i naispela tru. Planti ol kampani insait long PNG ino save mekim olsem.

Sir Henry Chow long toktok bilong em long taim bilong opim nupela fektori long las wik Sarere i tokaut olsem ol bai givim fri kaikai long ol wokmanmeri bilong ol long fektori. Moa long en tu i gat ples bilong ol wokmanmeri i waswas na tu

i gat loka rum o ples we ol wokmanmeri bai putim ol klos na ol narapela samting bilong ol long werim.

Sir Henry long taim em i givim toktok bilong em long taim bilong opim nupela fektori i givim bikpela luksave na tenkyu igo long ol wokman meri bilong em.

"Taim mipela i statim dispela kampani insait long las 35-yia igo pinis, ol hatwok na gutpela helpim bilong ol wokman meri bilong mipela i helpim long mekim Lae Bisket Kampani i kamap olsem wanpela nambawan lain bilong mekim ol kaikai insait long Papua Niugini," Sir Henry i tok.

Sir Henry i tokaut tu olsem insait long las 35-pela yia, prodaksin na sels bilong bisket bilong ol i go antap tru na igo olsem 150 bikpela moa.

"Mipela ol Chow famili i amamas tru na wokim kamap dispela bikpela hap top kwaliti stendet fektori long bungim maket na saplaim ol lain kastoma bilong mipela na givim tu saplai bilong bisket long ol manmeri insait long Papua Niugini," Sir Henry i tok.

Moa long en tu prais bilong ol bisket bilong Lae Bisket i daunbilo tru na isi long ol kastomas i baim na kaikai.



Ol wokmanmeri bilong Lae bisket kampani stretim ol bisket istap long fektori.

ZENAG KAKARUK IGO MOA YET WANTAIM NIUPELA ZENAG KUK BUK

Zenag Kakaruk inau lukim stret niupela kuk buk bilong en we bai ihalivim stret ol mama na ol maket meri tu long kukim ol naispela Zenag resipis bilong haus bilong ol na long salim tu long maket. Olgeta mama nau imas lukluk gut na baim wanpela kopi bilong dispela niupela kuk buk na traim ol gutpela na heltipela resipis. Iगत ol resipi insait long niupela kuk buk kain olsem keik we ol mama na ol maket meri iken beikim na salim we ol skul pikinini isave laikim tumas. Olgeta prodak bilong dispela niupela Zenag kuk buk em olgeta lokol gaden kaikai tasol na ol sampela sip kaikai kain olsem kuking oil na fleva tu long mekim swit. Ol dispela resipi yu mas kukim wantaim Zenag kakaruk na kiau tasol long wanem emi winim olgeta narapela kainkain kakaruk, kiau na tu ol arapela abus we igat planti gris na isave kamapim ol sik nogut bilong kilim ol man idai kain olsem ova weit na sot win.

Tete, bai yumi luksave tru long wanpela yangpela mama bilong Yalibu we isave baim ol 70 grem Zenag kiau tasol na emi save salim ken long Lae maket long

kain prais olsem K1.20 long wanpela kiau. Neim bilong dispela yangpela maket meri husait isave mekim liklik bisnis long salim 70 grem Zenag kiau long Lae mein maket em neim bilong en Stephanie Stanley. Stephanie emi yangpela mama we isave maketim ol 70 grem Zenag kiau long Lae mein maket olsem yumi tok klia pinis. Na long surukim toktok, Stephanie emi wanbel stret long Zenag 70 grem kiau bilong wanem Zenag 70 grem kiau yet emi bikpela tru long sais na emi skel abus we ol man meri na pikinini isave laikim tru long kaikai. Stephanie isave wanbel tu long ol naispela wokman na meri bilong Zenag Kakaruk we ol isave salim ol dispela 70 grem Zenag kiau na emi tok olsem ol isave halivim emi gut long sait bilong kastoma sevis. Olsem emi tok olsem sevis emi save kisim hia long Zenag Kakaruk emi inambawan na hariap tru. Na tu, yu yet iken baim dispela Zenag 70 grem kiau na yusim long kuk wantaim ol arapela resipi istap insait long dispela niupela Zenag kuk buk resipi we yumi toktok pinis igo pas.

Stephanie isave olgeta taim baim tupela katen bilong Zenag 70 grem kiau na emi save wanbel stret long wanem emi itok olsem mani bilong en Ino save weist. Stephanie itok olsem taim

emi baim wanpela katen 70 grem Zenag kiau, dispela emi save pinis hariap tru na ino inapim ol kastoma bilong en olsem na emi save baim tupela katen. Stephanie ihamamas tru long wanem emi save mekim gutpela propit oltaim na long dispela sait long liklik bisnis emi wokim long salim Zenag 70 grem kiau long mein maket, emi halivim tru man bilong en. Stephanie isave halivim wokman bilong en long baim ol kaikai bilong famili bilong en long lus wik bilong man bilong en na tu ol pikinini bilong em na em yet isave ihamamas tru long switpela tejs bilong Zenag 70 grem kiau taim Stephanie isave boilim long moning taim kaikai. Stephanie itok klia olsem, Zenag Kakaruk emi gutpela kampani long wanem emi iken baim Zenag kiau emi taim na stok inosave ran aut kain olsem ol sampela arapela bisnis we ol tu isave salim kakaruk na kiau. Igo moa, Zenag Kakaruk emi istap klostu long mein maket na bas stop we olgeta narapela bisnis istap na emi isi tru long baim Zenag kiau na kalap long PMV na igo long haus long kukim na karim ikam bek long seim rot antap long PMV long ikam bek gen long mein maket na salim dispela 70 grem Zenag kiau. Em pulim dispela toktok na tok stret olsem, Zenag 70 grem kiau emi isi

tru long kukim na hariap tru ol man meri isave baim. Olsem na, Stephanie nau igat kopi bilong niupela Zenag kuk buk, we yu tu iken gat. Yu ken ikam long Zenag mein opis long depo 1 na baim dispela niupela Zenag kuk buk ol ikolim yet long tok Inglis "Our Recipes, Our Ingredients" na nau istap tu insait long ol bikpela stoa kain olsem Andersons, Brian Bell's na Theodist steiseneri stoa.

Piksa long rait: Kava bilong niupela kuk Zenag Kakaruk kuk buk "Our Recipes, Our Ingredients". **Piksa long aninit:** Tupela seils manmeri bilong Zenag Kakaruk, Elsie long lept na Lawrence long rait. Namel emi liklik bisnis meri. Stephanie holim niupela Zenag Kakaruk kuk buk.



LAE BISCUIT CO.





Michael Gawi: Fulbek bilong Snax Tigers i laik abrusim banis bilong Isapea long Lae.



James Jiwaka Gend: Fowet James Jiwaka Gend i laik traim pusim wanpela birua bilong em long Muruks long 2011 Digicel Kap resis. *P o t o : Bustin Anzu, Summit Images*



Benson Joel: Senta Benson Joel i laik abrusim banis bilong Muruks long namba wan pilai long dispela yia.

Lae Snax Tigers redim ol yet nau

Bustin Anzu i raitim

PLANTI maket bilong pilai na planti tumbuna stori olsem Lae Snax Tigers i pulim planti manmeri na sapota igo lukim pilai. Tasol pilai bilong ol insait long fil long taim bilong pilai long olgeta wiken ino gutpela tumas. Na planti i tok ol i westim taim bilong ol wantaim kain stail bilong ol long pilai. Givim taim na lukim bihain, kaikai bilong dispela bai kamap.

Noken putim kat (cart) bilong hos long fran na laikim hos long pulim. Hos i sanap baksait yet. Putim kat long baksait na larim hos i sanap long fran na pulim. Yu bai lukim hos i pulim kat long baksait.

Wankain, noken toktok tumas long Snax Tigers long pilai bilong ol long dispela yia, sapos ol ino wokim gut long neks yia, toktok sapos ol ino pilai gut.

Long olgeta pilai bilong ol insait long Hailens, Snax Tigers i save pulim planti manmeri na dispela i ting olsem dispela bai mekim ol pilai bilong ol i isi long win. Tasol dispela em ino olsem.

Bilasim kar na ron wantaim tim em i olsem long sait bilong salim Snax bisket bilong kampani, Lae Bisket.

Pilai insait long fil em narapela samting. Dispela em stap long chan bilong ol lain husait i pilai insait long fil na ino long pulim ai na

tingting bilong husait ol lain i pulim lain na raun wantaim.

Maski ol i kisim sampela gutpela mangi long pilai, tasol ol ino wokim gut long stat bilong pilai i kam.

Sampela bilong ol dispela ol gutpela mangi, ino pilai long bikpela level tasol bringim gutpela eksperiens i kam insait em Sydney Fred, Fred Gend na James Meninga, taim ol asples mangi olsem Jerry Kutz, Russ Kaupa Jr, Michael Gawi na Bernard Anzu i givim dispela sapot long ol.

Planti long ol asples pilai bilong ol, em ol ino pilai strong na win. Sapos dispela ol pilai em ol i win, ol i ken mekim gut long poin leda.

Planti pilai we ol i ting ol inap win long asples em ol ino win. Na dispela i mekim na ol i rausim kosa, Joe Verani, wanpela kosa husait i stap wantaim dispela tim long stat bilong dispela yia.

Dispela pilai long Goroka wantaim Bintangor Goroka Lahainis i mekim sponsa tingting planti. Lahainis i winim ol wansait na ol i sot win na painim kosa we ol ting i ken winim pilai bilong ol.

Verani ino nupela long dispela wok tu.

Em i bin stap wantaim Lae Bombers long tupela yia na bihain joinim Snax Tigers na em i gat sampela gutpela save long ol mangi ol i bin pilai nau.

Nupela kosa Steve Malum i

kam wantaim nupela tingting na we bilong em long pilai. Tasol em long namel taim na planti bilong ol dispela mangi ino klia tumas long stail bilong em long kosa long wanpela tim.

Ol mangi i kisim taim long dispela, tasol ol ino tok dispela i pinis. Ol i holim yet spirit bilong pilai i stap.

Maski em i kam wantaim ol nupela stail na tingting, ol mangi i lus long Lae na ol narapela hap ol igo pilai long en.

Ol i lus long Lae wantaim Hela Wigmen na autsait wantaim Toyota Enga Mioks na Agmarck Rabaul Gurias.

Dispela lus bilong ol agenism Wigmen i kilim paia bilong ol stret na ol i ting olsem ol bai kamap las tru long dispela yia, maski ol i winim brata tim Prima Smallgoods Gulf Isapea long Lae yet.

Bihain long kam bek long Mount Hagen long las wik wantaim lus, dispela pilai wantaim Lahainis long Lae i senisim tingting bilong plant manmeri na sapota bilong ol.

Planti i ting Lahainis bai bagarapim Snax Tigers long asples bilong ol na ol bai igo het olsem wanpela strongpela tim insait long 2011 Digicel Kap resis.

Dispela wiken, Snax Tigers bai igo long Pot Mosbi long pilai wantaim Stop N Shop Pot Mosbi Vipers na ol i laik mekim wankain pasin, we ol i bagarapim Lahainis

long Lae.

Snax Tigers i gat tupela moa gem bilong pilai long dispela yia. Dispela wiken bai ol igo long Pot Mosbi na narapela Sande, ol bai pilaim Gurias long Lae.

Ol tu i nogat sans long mekim igo insait long fainols tasol ol bai sikirapim sampela ol tim husait i stap insait long fainols pastaim long ol bai hangamapim su bilong ol long pinis bilong pilai.

Kosa Malum i amamas long ol mangi bilong en bihain long win bilong ol long Lae na tok, bikpela samting em ol mangi mas i gat bilip long ol yet long winim pilai na ol i noken ting olsem kosa bai mekim mirekel.

Papa bilong Snax Tigers Ian Chow ino wari long dispela yia long winim ol pilai o stap insait long ol bikpela fainols. Dispela yia, ol i laik soim olsem ol i kam aut long pilai tasol bikpela tingting bilong ol em long mekim gut long yia antap na stap insait long ol fainols.

Em i tok ol i kamap aut long piksa long dispela yia na bikpela samting em long tok aut olsem Tigers bai kam gut long ol yia antap.

“Mipela i lusim bikpela mani long dispela yia long maketim Snax Tigers. Mipela i wokim olsem long sait bilong maketing bilong bisket long kampani. Tasol mipela i lukluk long ol yia bihain. Mipela i tingting long ol dispela

yia na ino nau tasol.

“Mipela bai kamapim ol gutpela mangi long neks yia na holim ol na soim ol long gutpela pilai long neks yia,” em i bin tokim Wantok Niuspepa long wanpela bung long stat bilong dispela yia.

Nesinol Sels Menesa na olpela tim menesa bilong Snax Tigers Justus Rapula i tok dispela tim em bai wanpela tim long ol yia bihain we ol mas kisim was long taim bilong pilai.

Long dispela yia yet, tim Snax Tigers i luksave long ol wanem mangi bai ol i holim na husait ol mangi bai larim ol igo aut long pinis bilong dispela yia.

Tupela nupela pes insait long dispela bikpela pilai resis, Wigmen na Isapea tu i stap long wankain mak. Dispela em namba wan yia bilong ol long ron insait na ol ino tingting tumas sapos ol i wokim fainols o nogat.

Tasol bikpela samting em ol i kam aut na luksave long pilai save stap olsem wanem, presa bilong pilai em olsem wanem, sapot i stap long wanem sait na planti ol narapela liklik samting olsem i ken givim gutpela sapot na tingting long ol long winim ol pilai.

Snax Tigers i stretim ol lek finga na tingting tasol long neks yia bai olsem wanem.



HVJV kamapim nupela klasrum long sumatin skul gut

OL SUMATIN bilong Bulolo Teknikol Skul insait long Morobe provins long las wik Fonde i bin amamasim wantaim stail stret long taim ol i opim bilong wanpela nupela dabol klasrum na haus bilong tisa.

Ol sumatin i tokaut olsem opim bilong dispela ol nupela developmen em bikpela samting tru long helpim ol sumatin long lainim ol samting bikos planti ol klasrum na domitori (ples bilong slip) bilong ol sumatin em olpela na ol i wokim moa long 20 kris-mas i go pinis. Bulolo Teknikol Skul i save givim skul na save long ol sumatin i kam long olgeta distrik insait long Morobe na tu long ol provins long hailens rijon tu.

Dispela nupela dabol klasrum na haus bilong tisa em Hidden Veli Join Vensa (HVJV) i putim mani long kamapim insait long Edukesen Asistens Progrem wantaim mani we i moa long K275,000. Dispela ol samting em namba wan taim tru ol i opim aninit long dispela progrem.

Menesa bilong Bulolo Teknikol Skul, Berom Yawal i givim bikpela tok tenkyu long HVJV long dispela wok patnasip we i kamapim wok long wokim dispela tupela nupela infrastraksa. Em i wok patnasip o wok-bung i helpim gut tru skul long developim gutpela save long ol sumatin long mekim wok.

Distrik Edukesen Kodineta, John Jtipet i tok olsem ol lain husat i win tru insait long dispela infrastraksa developmen em ol pikinini bilong Bulolo distrik. "Gutpela bihain taim i stap long han bilong ol pikinini bilong yumi." Mista Jtipet i tok.

Em i tok tu olsem dispela tupela projek i kamap bihain long gutpela wok-bung namel long skul, distrik na provinsal edukesen divisen na HVJV. Em laikim olsem ol komyunti na ol sumatin i lukautim gut na kamap olsem papa bilong dispela ol infrastraksa na lukautim gut long ol arapela sumatin long bihain long yusim.

Bulolo Distrik Stendets Ofisa, Kwinda Trenien, i tok HVJV em wanpela kampani

tasol insait long distrik we i helpim Edukesen Dipatmen long karimaut ol wok insait long Skul Lening na Impruvmen Progrem (SLIP) aninit long Edukesen Asisten Progrem bilong en. Mista Trenien i givim bikpela tok tenkyu long HVJV long sapotim dispela bikpela progrem.

HVJV Jeneral Menesa Sasteinabiliti na Exenal Rilesens, David Wissink, i edukesen progrem bilong kampani i lukluk moa long wokim kamap na strongim ol wok samting insait long distrik.

Mista Wissink i tok Hidden Veli main bai nidim ol lain i kisim trening pinis na save long mekim wok, na bikpela namba bilong ol dispela lain bai kam long ol distrik.

Em i tok tu olsem kampani i laik larim bihain gutpela samting na bihain-taim bilong ol pipel bilong Bulolo.

Teknikol edukesen em bikpela samting tru long ol sumatin husat i pinisim gret 8, 10 na 12 husat i no inap gohet long ol bikpela institusen o yunivesiti. Em i save skulim ol sumatin ol laip skills o save long wokim samting bilong lukautim laip. Na e mi save helpim ol long go insait long fomal wok o yusim ol save bilong ol long kamapim gutpela sindaun bilong ol bihain.



Ol haus bilong ol tisa wantaim 3-pela rum.

Ol arapela skul husat i kisim helpim i kam long HVJV Edukesen Asistens Progrem em Grace Memorial Sekenderi Skul, husat i kisim wanpela two-stori dabol klasrum, Baiyun Hai Skul; wantaim gutpela dabol-stori klasrum, Sambio Praimeri Skul, wantaim tupela haus bilong tisa, Manianda Praimeri Skul wantaim wanpela dabol klasrum na Gabensis Praimeri

Skul wantaim tupela dabol-stori klasrum.

Wok i pinis long 3-pela dabol klasrum bilong tripela papagraun viles bilong Hidden Veli main em Nauti, Winima na Kuembu. 5-pela elementeri skul i kisim helpim wantaim ol samting bilong tisa yusim long tis na dispela em long Winima, Nauti, Kuembu, Zindaga na Wongkins.

Dispela progrem bilong

helpim i karamapim tu ol skul fi sabsisi bilong ol pikinini bilong Hidden Veli, Watut Riva, Wafi-Golpu. Dispela helpim i givim 50-pesen sabsidi long Gret 7 i go 12 tusen fi, na i go antap long 100-pesen bilong ol lain i stap antap. 1186 sumatin olgeta i kisim sapot insait long dispela progrem we i kos moa long K400,000 taim ol i statim dispela sabsidi progrem.

Long 2010, 578 sumatin

husat i skul long 58 institusen insait long Morobe Provins na long dispela yia 608 sumatin i kisim sapot. Bikos dispela em wanpela 3-yia progrem, fainel helpim bai kamap long 2012 na wanpela rivi bai kamap sapos progrem bai go het yet bihain long dispela o nogat.

These projects are implemented in line with the Bulolo and Huon Gulf District Education priorities.



Ol sumatin, wantaim ol pren bilong ol na ol papamama i sanap fran long nupela kabol klasrum.



HVJV bringim gutpela sevis long Morobe provins

OPERESAN o wok kamap bilong Hidden Veli main insait long Wau/Bulolo eria insait long Morobe provins i kamap gutpela sans tru bilong ol lokal pipel long kisim ol sevis long helpim gutpela sindaun bilong ol.

Ol dispela sevis em, ol eid pos, wara saplai projek, rot na bris, skul na agrikalsa projek olsem fis faming.

Hidden Veli main i givim mani long karimaut wok bilong helt, edukesen, agrikalasa na wok bilong stretim ol rot na bris developmen wantaim wok patnasip o wok-bung wantaim ol lain bilong Morobe Provinsal gavman dipatmen na ol non-gavman ogenaisesen.

Dispela main we i wok aninit long Hidden Veli Joint Vensa (HVJV) em wanpela long 3-pela join vensa we

i mekim kamap Morobe Maining Joint Vensa (MMJV na i yusim moa long K10 milien long ol projek wok.

Ol projek i karamapim ol lain papagraun bilong ol viles o ples olsem Nauti, Winima na Kuembu na Apa, Lowa na Midel Watut Riva komyuniti na tu ol sampela hap bilong ol haiwe komyuniti.

Ol invesmen wok we nau i kamap em:

- Stretim na wokim kamap gut Lae-Bulolo haiwe
- Wokim ol waia bris long wok-about
- Developmen bilong Wandum Akses Rot long Wau i go long Bulolo olsem arapela nupela haiwe
- Putim kamap wara saplai, helt na senitesin aweanes;
- Kofi fama trening, givim aut ol samting bilong wokim kofi neseri na extensen sevis;

■ Kakao fama trening, saplain ol haibrid kakao, ol samting bilong wokim kakao neseri na extensen sevis;

■ Fis fama trening, wokim kamap fis pond na givimaut ol liklik fis o fingsalings;

■ Wokim ol eid pos, klasrum long ol skul na ol komyuniti haus bilong bung;

■ Giving trening long ol Was-mama long taim bilong karim pikinii (Village Birth Attendant) na TB dots voluntia na aweanes trening; na

■ Giving trening long Statim Bisnis bilong Yu Yet (Start Your Business) bilong ol smolholda fis fama, kakao na kofi fama insait long trening bilong Smol Bisnis Developmen Koporesen (SBDC).

Developmen bilong dispela ol

projek i bin kamap bihain long bikpela wok konsaltesen o toktok wantaim ol stekholda, olsem ol wan wan level bilong gavman we i karamapim Morobe Provinsal Gavman, LLG na distrik wod developmen plen.

Bihain long dispela ol miting sampela namba bilong ol Praivet Pablik Patnasip agrimen (MOAs) i bin kamap wantaim HVJV, ol wan wan level bilong gavman, ol bisnis haus na NGO grup olsem Luteran Developmen Sevises, Adventis Developmen na Rilif Ejensi (ADRA), Bris Kanda, Morobe Fiseris Menesman Atoriti, NARI, Nesenel na Provinsal Dipatmen bilong Woks, Kofi Indastri Koporesen, Kakao na Kokonas Risets Institiut (CCRI), Mainland Holdings Ltd, na SBDC i bin kamap long helpim long bringim i go aut ol program na projek.

HVJV Jeneral Menesa, Sasten-

abiliti na Ekstenal Rilesens, David Wissink i tok olsem bikpela lukluk bilong bungim wantaim ol bisnis trening em SBDC i kamapim i go insait long akua-kalsa (lukautim ol fis) na agrikalsa program na ekstensen sevis, em long helpim ol komyuniti long kamapim na mesim ol projek we i no go wantaim wok bilong main long kamapim ol projek we i ken helpim ol yet.

“Olsem wanpela bikpela developmen patna insait long Wau/Bulolo distrik long Morobe provins insait long Papua Niugini, mipela oltaim bai lukluk long sapatim na helpim ol arapela stekholda insait long gutpela pasin bilong wok-bung wantaim na dispela bai helpim long bringim gutpela helpim i go long olgeta lain we i wok klostu wantaim HVJV” Mista Wissink i tok.



Mipela sanap strong long:
Sefti,
Kamapim Senis,
Lukautim Bus na Graun na
Mekim Wok long Strepela
Pasin long Kamapim Gutpela
Sindaun bilong ol pipol bilong
Morobe na
Papua New Guinea.

Mipela i Bilip long:
Tok Tru
Daun Pasin
Wok Bung Wantaim
Nogat Poret
Niupela Tingting na
Luksave long ol Wok Manmeri
blong kampani.

“Kamapim Nambawan Mineral Provins long PNG”



GLASIM RAMU NiCo PROJEK

Wanpela Ramu NiCo, Wanpela Komuniti

Ramu Nikel Projek bai strongim gutpla wok wanbel namel long China na PNG

BIKPELA milien Kina Ramu NiCo Projek insait long Madang provins bai kamapim strongpela ekonomik, tred na gutpela wok-bung namel long Papua Niugini na kantri China sapos dispela US\$1.4 bilien (K3.2 bilien) Ramu NiCo Projek statim wok operesen bilong em klostu taim.

Gavana bilong Madang Provins, James Gau i tokim gavman bilong China olsem ol pipel bilong Madang i sapatim stret dispela Projek we em i nambawan maining kampani insait long Madang Provins na bai kamapim planti gutpela sevis.

Em i mekim dispela toktok taim em i bung wantaim Embeseda Qiu Bohua.

Mista Qiu em man husat makim China long PNG, na em i bin mekim wanpela lukluk raun bilong em i go long Madang provins na Ramu NiCo Projek long Sarere August 20, 2011. Dispela em namba wan taim tru bilong em long go long Madang taim em i statim wok bilong man i makim China gavman long PNG long stat bilong dispela yia.

Gavana Gau, husat em memba bilong Raikos we Ramu NiCo rifaineri i stap long en i tok bikpela tenkyu tru long Embeseda Qiu long lukluk raun bilong em long provins na long lukim stret wanem ol bikpela wok Ramu NiCo i kamapim insait long ilektoret na provins bilong em.

Gavana Gau wantaim Ambasada Qiu Bohua i wanbel na amamas olsem Ramu NiCo Projek bai bringim planti gutpela developmen i go insait long provins na kantri tu. Long dispela as, tupela i wanbel long wok bung wantaim long kamapim na sapatim dispela projek.

Mista Gau i tok olsem dispela nupela gavman bilong O'Neill-Namah na provinsal edministresen bilong em sapatim trug Ramu NiCo Projek na bai i mekim olsem projek i kamapim kaikai na ol pipel bilong Madang na PNG i ken kisim olgeta helpim.

Gavana i tokaut tu olsem displa Ramu NiCo Projek i gutpela bilong provins na tu i gutpela bilong ilektoret bilong em long Raikos na bai kamapim planti gutpela sevis i go long ol lokal pipel i no save lukim planti sevis bihain long em i kamap memba.

"Olsem provinsal gavman na nesanel gavman, mipela amamas tru long displa projek long wanem em i bai kamapim gutpela samting na bringim senis insait long provins na kantri," Mista Gau i tok.

"Mi givim olgea sapot bilong mi long displa Projek. Yu tasol bai sevim mi. Ramu NiCo Projek i bin pait hat stret long kainkain birua long kot na ol arapela samting na yu sanap yet. Mi amamas tru," Mista Gau i tokim Embeseda Qiu.

Long soim sapot bilong em long Projek, Mista Gau i tokim Embeseda na Ramu NiCo Menesmen olsem provinsal gavman bilong em na nesanel gavman bai i wok



Gau i sikan wantain ambassador Qiu.

strong long kamapim stret ol kainkain wok bilong tupela gavman long projek long abrusim ol kainkain birua we i laik bai kamap long stopim wok long projek na wok maining i ken stat.

Embeseda Qiu i tokim Gavana Gau olsem dispela Ramu NiCo Projek em wanpela bikpela invesmen long gavman bilong China insait long Pasifik rijon, na em i bikpela Projek insait long PNG tu. Long dispela tasol, embeseda i tok Madang Provins em i wanpela bikpela samting tru long lewa na tingting bilong gavman bilong China bikos long Ramu NiCo Projek tasol.

Mis Qiu i tok Madang Provins i tok em i bai kamapim bikpela wok insait long wan-

bel wok namel long China na PNG long nau na bihain taim.

Long dispela as-tingting, Embeseda Qiu i askim Madang Provinsal gavman aninit long gutpela na strongpela lidasip bilong gavana long lukautim Ramu NiCo Projek olsem wanpela liklik "pikinini o beb" we gro yet na PNG wantaim China i mas wok bung wantaim long luksave olsem em i bai gro strong olgeta de, mun na yia.

Em i tok dispela Projek bai i kamapim gutpla sindaun long ol lain long Madang na PNG na tu bai i strongim moa wok bung namel long PNG na China.

"PNG em bikpela treding patna bilong China insait long rijon na PNG i gat bikpela invesmen bilong China, na Madang we i lukautim Ramu NiCo Projek na dispela em bikpela samting tru long China", Embeseda Qiu i tok.

Em i tok Madang i kisim planti luksave long China long ol narapela bikpla projek olsem PMIZ, Marengo na sapos Ramu NiCo i kamap gut na kisim bikpela ol helpim i kam long Madang na PNG bai displea i bai putim wanpela bikpla luksave we ol narapla bikpela kampani bilong ovasis i bai i kam invest insait long Madang na kantri, na tu bai i promotim moa ovasis investmen insait long kantri.

Ambassador Qiu tu i mangal stret o laikim stret long lukin long naispla solwara, bus, graun na gutpela san bilong Madang na tok i nogat wanpela ples olsem Madang insait long dispela graun.

Em i tokim gavana olsem Madang, Mista Gau olsem i gat ol naispela samting i stap long bringim moa ovasis turis i kam na em bai helpim long promotim Madang long ofis bilong em na moa turis bilong China i ken kam long Madang.

Mista Qiu i tok tu olsem ol pipel bilong Madang tu i laikim bel-isi pasin na lo na oda ne dispela i soim gutpela sain we provins i bai kamap strongpela wantaim gutpela lidasip long provins na nesanel level


Long pinis bilong miting bilong tupela, Embeseda Qiu i tok Madang em i naispela ples na em i namba tu asples bilong em taim em i stap longwe long China na em i bai kam long lukluk raun gen long Madang klostu taim.

Long wankain taim, em i askim Gavama Gau long givim moa sapot long Ramu NiCo Projek olsem em i bin woking bihain long em i kamap memba bilong Raikos.

Gavana Gau i givim strongpela tok olsem aninit long lidasip bilong em, provinsal gavman bilong Madang bai sapatim Ramu NiCo Projek bikos ol pipel bilong Madang na Raikos i laikim displa bikpela projek we i bai senisim laip bilong ol long gutpela sait.

Tupela i pasim strongpela tok long wok bung wantaim long lukim olsem dispela Projek i karim kaikai na ol stekholda wantaim papagraun husait i wet longpla taim i ken kisim gutpela sevis na helpimj

Ritim gen nambawan Tok Pisin niuspepa bilong yu, Wantok Niuspepa neks wik long save moa long ol gutpela wok Ramu NiCo Projek i kamap insait long Madang Province.



Gavana bilong Madang James Gau wantaim Embeseda na ol arapela wokman na meri bilong China Embesi na Ramu NiCo i sanap na kisim piksa.

RAMU NiCo

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

Wanpela Ramu NiCo, Wanpela Komuniti



Rijinol Sif Eksekutiv Ofisa, Amadou Diallo long namel I givim sek long presiden bilong Mosbi Rotari Klap, Bruce Telfer. Sanap long sait em Tony Boll, husat em Sif Eksekutiv long Saut Esia Pasifik. Poto: James Kila

DHL Global gro bikpela long PNG

James Kila i raitim



DHL Global Fowading, ol save lain bilong lojistik o salim ol kago samting long balus na sip long wok I tokaut long Tunde olsem gro bilong ol long Papua Niugini I go strong tru.

Rijinol Sif Eksekutiv Ofisa, Amadou Diallo, husat em bos bilong Afrika, Saut Is Esia Pasifik I tok olsem DHL Global Fowading I go het long gro bilong en na ol I gat bilip olsem wok bilong en long PNG bai go bikpela moa bikos ekonomi bilong kanteri bai gro I go olsem 8.5 pesen long 2011 na 6.5 pesen long 2012.

Mista Diallo I tok long sapatim trenspot na lojistiks we PNG I nidim bilong long gro bilong ekonomi, DHL nau I kisim 100 wokman meri long ol opis bilong en long kantri na I save givim servis I go long klostu olsem 1,800 kastoma bilong en. DHL I go pas tu long givim servis I go long maining kampani, ol lain huat I wok long oil na ges na eneji sekta.

DHL Global Fowading I gat klostu 40-ya ek-spiriens.

Long amamasim gutpela wok DHL i mekim long PNG, kampani I amamas long givim K20,000 I go long Mosbi Rotari Klab. Dispela mani bai go long saptim praimeru edukesen long kantri.

Dispela donesem bai sapatim tupela skul em Wildlife Praimeru Skul na Holy Rosary Skul. Dispela helpim bai go long skul long givim gutpela klinpela wara long ol sumatin na tu long wokim wanpela laibri o ples we ol sumatin I ken go ridim ol buk.

Tony Boll, husat em Sif Eksekutiv long Saut Esia Pasifik I tok, DHL Global Fowading em i gat gutpela luksave na tingting long helpim ol kastoma bilong en yusim ol gutpela wokmanmeri em I gat.

Em I tok taim PNG I wok long gro na divelop, em bikpela samting tru long olgeta sekta bilong sosaiti long sapatim edukesen.

Bai givim BEST teist long kainkain kuk



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing blong bifo.
 6:30am - Nius Hetlains
 6:45am - Bonde grins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori blong putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona blong yu
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains blong Belo Taim - Laik blong yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwas na dedikesen
 12:15pm - Komuniti Notis Bod
 12:20pm - BELO Pack - Belo taim rekwas na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN - YUMIFM Nius Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
 Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - 8pm - Nius - YUMIFM Nius Senta
 8pm - 00:00am - GOSPEL REKWES AUA
 00:00am - 6am - Late Nait Cruz - Poroman Aua
 - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Mambu musik bilong Indonesia

Nicky Bernard i raitim

MUSIK bilong ples yumi em save kamapim long ol mambu, diwai o sel bilong solwara na sampela samting moa long kamapim musik we yumi ken harim.

Indonesia em wanpela kantri ol musik bilong kalsa bilong ol, ol save mekim long mambu tasol. Ol bai katim mambu mekim liklik hol na pasim long rop na stat paitim na kisim ki o tun bilong em. Long tupela wik go pinis

ol i amamasim Independen de bilong ol, planti bilong ol pikinini bilong husat kam stap long Papua Niugini longpela taim i save gut tru long nesenel entem bilong yumi na ol pilaim long mambu tasol wantaim nesenel entem bilong ol.

Planti bilong ol man-meri husat i satap long dispela bung i bin amamas stret long lukim ol liklik pikinini paitim mambu long kamapim tupela nesenel entem wantaim.

Dispela ol mambu tu em ol liklik mangi Indonesia save long we bilong pilaim, na save long wantaim stret em taim bilong ol long paitim long mekim stretpela musik.



Ol yangpela mambu be bilong Indonesia. Foto: Nicky Bernard

93FM YUMIFM National Weekly Hit Parade:

Produced & Host by: Kasty

Satellites: Talaigu Sophie & Poroman Crew

Week Ending Saturday - 03rd September 2011

Week Before	Last Week	This Week	Charting Song:	Artist:
1	1	1(7)	Mis a babe	Leonard Kania
2	2	2(5)	Ples long Lae	Jokema
3	3	3	Meri Nupis	Raiwat
4	4	4	Solwara meri	Taina G & Sharzy
5	5	5	Ena Takwa	Backyards of Yangoru
6	6	6(6)	Empty Promise	Snippers Band ft DJ AAR
7	7	7	Meri Murobe	Logie Crew
8	8	8	Message in a bottle	Razzoo ft Anslom
9	9	9(5)	Phone Call	Ava Ono Crew
10	10	10	Nasojo	Seths Mahn ft Eljay
11	11	11	All my life	DMP
12	12	12	Kiri O	Channel X Crew
13	13	13(4)	Goro	Ava's Ono Crew
14	14	14	Education	Gedix Atege
15	15	15	Perfect	Greg Aaron ft Moses Tau
16	16	16	MB Lewa	Silahakakaku
17	17	17	Photo	Sibela Band
18	18	18	Oi Mo	Poggy Mahn ft D142
19	19	19	Orebid V-Las	Leonard Kania
20	20	20	Dreaming Girl	Backyards of Yangoru
			Song In:	Orebid V-Las Leonard Kania
			Out:	Golu Palawa Zipsy Rose

EMTV Television Guide

FONDE, SEPTEMBER 1 2011

5.00AM G JOYCE MEYER
 Religious Program

5.30AM G TODAY

DEPARTMENT OF EDUCATION CLASSROOM BROADCAST

9.00 - 9.40AM GRADE 7 MATHEMATICS

9.50 - 10.30AM GRADE 7 SCIENCE

10.40 - 11.15AM GRADE 8 MATHEMATICS

11.20 - 12.00PM GRADE 8 SCIENCE

12.30PM EMTV MIDDAY NEWS

DEPT OF EDUCATION CLASSROOM BROADCAST CONTINUES....

1.00 - 1.40PM GRADE 6 MATHEMATICS

1.50 - 2.30PM GRADE 6 SCIENCE

2.30 - 3.00PM DEPI PROGRAMME

KIDS KONA

3.00PM G MAGICAL TALES

3.30PM G HI-5

4.00PM G THE PYRAMID

4.30PM G THE SHAK

4.30PM G KITCHEN WHIZ

5.29PM G EMTV NEWS UPDATE

5.30PM G MILLIONAIRE

HOT SEAT

6:00PM G NATIONAL EMTV NEWS

6.30PM G A CURRENT AFFAIR

7.00PM G SPORTS SCENE (2011 Return)

7.30PM PG RAIT MUSIK

7.27PM G EMTV TOK SAVE

8.00PM G RAIT MUSIK (special time)

9.00PM PG ELITE MUSIC ZONE (special time)

9.30PM M FOOTY SHOW

10.30PM G NEWS REPLAY

11.00PM AUSTRALIA NETWORK

4.30PM G THE SHAK

5.00PM G KITCHEN WHIZ

5.29PM G EMTV NEWS UPDATE

5.30PM G MILLIONAIRE

HOT SEAT

6:00PM G NATIONAL EMTV NEWS

6.30PM G A CURRENT AFFAIR

7.00PM G SPORTS SCENE (2011 Return)

7.30PM PG RAIT MUSIK

7.27PM G EMTV TOK SAVE

8.00PM G RAIT MUSIK (special time)

9.00PM PG ELITE MUSIC ZONE (special time)

9.30PM M FOOTY SHOW

10.30PM G NEWS REPLAY

11.00PM AUSTRALIA NETWORK

5.30AM G TODAY

DEPARTMENT OF EDUCATION CLASSROOM BROADCAST

9.00 - 9.40AM GRADE 7 MATHEMATICS

9.50 - 10.30AM GRADE 7 SCIENCE

10.40 - 11.15AM GRADE 8 MATHEMATICS

11.20 - 12.00PM GRADE 8 SCIENCE

12.30PM EMTV MIDDAY NEWS

DEPT OF EDUCATION CLASSROOM BROADCAST CONTINUES....

1.00 - 1.40PM GRADE 6 MATHEMATICS

1.50 - 2.30PM GRADE 6 SCIENCE

2.30 - 3.00PM DEPI PROGRAMME

2.59PM STATION OPEN

KIDS KONA

3.00PM HI-5

3.30PM PYRAMID

4.00PM THE SHAK

4.30PM KITCHEN WHIZ

5.29PM G EMTV NEWS UPDATE

5.30PM G MILLIONAIRE

HOT SEAT

5.55PM G CRIME STOPPERS

6:00PM G NATIONAL EMTV NEWS

6.30PM G A CURRENT AFFAIR

7.00PM G IN MORESBY TONIGHT

7.30PM G FRIDAY NIGHT FOOTBALL (LIVE) -

9.27PM EMTV TOK SAVE

9.30PM G FRIDAY NIGHT LATE FOOTBALL:

11.30PM G A CURRENT AFFAIR

12.20PM AUSTRALIA NETWORK

SARERE, SEPTEMBER 3 2011

4.30PM G MOBIL 1 THE GRID

5.00PM G MIND YOUR BUSINESS

5.30PM G MOBIL1 THE GRID

6:00PM G NATIONAL EMTV NEWS

6.30PM PG AUSTRALIA'S FUNNIEST HOME VIDEO SHOW

8.00PM G THE PACIFIC WAY

8.30PM G THE PACIFIC WAY

9.00PM PG ELITE MUSIC ZONE

9.30PM PG WWE AFTERBURN

10.30PM PG WWE AFTERBURN

11.30PM G NATIONAL EMTV NEWS REPLAY

12.00AM AUSTRALIAN NETWORK

SANDE, SEPTEMBER 4 2011

1.00AM G TRI-NATIONS RUGBY (LIVE)

3.00AM AUSTRALIA NETWORK

6.30AM G IT IS WRITTEN

7.00AM G SUPER RUGBY

9.30AM... AUSTRALIA NETWORK

12.30AM G WIDE WORLD OF SPORTS

1.30PM PG SUNDAY FOOTY SHOW

2.30PM PG SUNDAY ROAST

FRAIDE, SEPTEMBER 2 2011

5.00AM G JOYCE MEYER
 Religious Program

5.30AM G TODAY

DEPARTMENT OF EDUCATION CLASSROOM BROADCAST

9.00 - 9.40AM GRADE 7 MATHEMATICS

9.50 - 10.30AM GRADE 7 SCIENCE

10.40 - 11.15AM GRADE 8 MATHEMATICS

11.20 - 12.00PM GRADE 8 SCIENCE

12.30PM EMTV MIDDAY NEWS

DEPT OF EDUCATION CLASSROOM BROADCAST CONTINUES....

1.00 - 1.40PM GRADE 6 MATHEMATICS

1.50 - 2.30PM GRADE 6 SCIENCE

2.30 - 3.00PM DEPI PROGRAMME

2.59PM STATION OPEN

KIDS KONA

3.00PM HI-5

3.30PM PYRAMID

4.00PM THE SHAK

4.30PM KITCHEN WHIZ

5.29PM G EMTV NEWS UPDATE

5.30PM G MILLIONAIRE

HOT SEAT

5.55PM G CRIME STOPPERS

6:00PM G NATIONAL EMTV NEWS

6.30PM G A CURRENT AFFAIR

7.00PM G IN MORESBY TONIGHT

7.30PM G FRIDAY NIGHT FOOTBALL (LIVE) -

9.27PM EMTV TOK SAVE

9.30PM G FRIDAY NIGHT LATE FOOTBALL:

11.30PM G A CURRENT AFFAIR

12.20PM AUSTRALIA NETWORK

SARERE, SEPTEMBER 3 2011

4.30PM G MOBIL 1 THE GRID

5.00PM G MIND YOUR BUSINESS

5.30PM G MOBIL1 THE GRID

6:00PM G NATIONAL EMTV NEWS

6.30PM PG AUSTRALIA'S FUNNIEST HOME VIDEO SHOW

8.00PM G THE PACIFIC WAY

8.30PM G THE PACIFIC WAY

9.00PM PG ELITE MUSIC ZONE

9.30PM PG WWE AFTERBURN

10.30PM PG WWE AFTERBURN

11.30PM G NATIONAL EMTV NEWS REPLAY

12.00AM AUSTRALIAN NETWORK

SANDE, SEPTEMBER 4 2011

1.00AM G TRI-NATIONS RUGBY (LIVE)

3.00AM AUSTRALIA NETWORK

6.30AM G IT IS WRITTEN

7.00AM G SUPER RUGBY

9.30AM... AUSTRALIA NETWORK

12.30AM G WIDE WORLD OF SPORTS

1.30PM PG SUNDAY FOOTY SHOW

2.30PM PG SUNDAY ROAST

TORO



BIABIA



KANAGE



TOKWIN

PNG kisim gol gen long Ryan Pini...

Pis bilong yumi, Ryan Pini i kisim gol gen long Pasifik Gems long Noumea. Dispela taim em kisim tupela stret. Na tingim, sapos husat man o meri i winim gol long gems, em bai kisim K1,500 stret long Digicel. Ryan em klokim K3000 pinis nogat moa tok! Yumi no save husat bai kisim gol long dispela gem.

Meri stap long polis rumkat kisim bagarap...

Nau yu tok. Wanpela mama husat polis i bin sasim em long kilim dai wanpela waitman long Napanapa Wel Rifainery i tok, wanpela polisman husat i lukautim rumgat i kirapim em na reipim em long narapela rum klostu long rumkat bilong ol meri. Dispela meri i bin tokaut long kot bilong em na nau ol intenel afeas long polis dipatment i wok long mekim wok painimaut long dispela pasin. Ating dispela polisman em long-

long o? Pasin em mekim em rong long ai bilong kot, yu yusim meri bikos yu save em bai go kalabus. Na yu ting meri no inap pasim maus long samting yu mekim?... Tingting gut na mekim ol samting we yu ting yu no inap ronowe long en. Yu polisman, yu lukautim loa, yusim het bilong yu! Ino mambu bilong yu! Kain pasin yu mekim i ken daunim sas bilong meri tu... Goan! Yu tu bihainim meri na go kalabus!

Tokwin tasol

Grid of letters for a word search puzzle.

Painim ol dispela toktok bilong skul:

Table listing school subjects and their corresponding items, such as BLAKBOT BUK, KLEVA PEN, etc.

Partial 9x9 Sudoku grid with some numbers filled in.

Complete 9x9 Sudoku grid.

Ansa bilong las wik Sudoku

Ansa bilong las wik Pasol

Grid of letters for a crossword puzzle.

EMTV Television Guide

Large table listing EMTV television programs, times, and channels for PNG, Australia, and Trinde.

Oi Progam na Kilok i ken senis oltaim...

Gidley na kosa tok sori long lus

KOSA bilong Newcastle Knights, Rick Stone, i tok stori long ol klab memba na sapota bilong ol bihain long ol i lus nogut tru long han bilong Canterbury Bulldogs.

Nau tingting bilong fainols i stap longwe moa.

Newcastle i lusim 26 poin bihain long hap taim, we i lukim Bulldogs i daunim ol 32-22.

Stone i tok olsem ol i no pilai strong.

“Mipela sem nogut tru, na mi tok sori long ol sapota na ol memba bilong mipela, na olgeta lain long Klab bikos

mipela i no inap,” Stone i tok.

“Olgeta strong, bilip na samting we i strongim mipela long dispela yia i kam, i lusim mipela.”

Skipa bilong Knights, Kurt Gidley, i no save long as tru long ol i no pilai gut na kisim dispela lus.

“Mi no save. Mi no save mipela mekim wanem. Mi wok traim long tingim wanem samting i kamap long seken hap,” Gidley i tok.

“Mi sem tru long seken hap pilai bilong mipela, we mipela i mas fres, mipela i mas kamaut strong.”

Nau Newcastle bai mas traim long stopim ol Rabbitohs, husat i wok long pilai strong tru. Wina bai gat spes insait long top eit.

“Mipela mas redi gut. Em i las sans bilong mipela, na mipela i laikim tru,” Gidley i tok.

Stone i tok klia olsem Knights i mas lus tingting na lukluk long of sisen sapos ol i mekim wankain pilai agensim South Sydney.

“Mi laik tok tasol, olsem sapos yupela i difen olsem gen, yu nogat spes long fainols. Dispela luksave, mipela i bihainim nau.”

Inglis nogat moa long dispela sisen

SUPASTA pilaia bilong South Sydney, Greg Inglis bai no inap pilai gen long pinisim gut dispela sisen bilong NRL.

Ol wok glasim long skru bilong fut bilong em i soim olsem em i gat wanpela gret 2 birua long en.

Dispela tes na Kwinslen Orijin biknem i painim birua long pilai bilong ol agensim Brisbane Broncos long Sande.

Brisbane i daunim ol 22-10.

Ol Bunnies bai nidim em long daunim Newcastle long Fraide nait i kam, long stap insait long top 8.

Ol opisal bilong Rabbitohs i wok long bilip long gutpela nius bihain long Inglis i bin orait liklik long rikavri sesen long Mande.

Faivet John Sutton (han), na fulbek Nathan Merritt (masol) bai kam bek bihain long ol i no pilai long Suncorp Stadium.

Kepten Roy Asotasi (skru bilong han) bai no inap kam bek pastaim long fainols.

Wan prop bilong em, Ben Ross i no wokabaut strong yet, tasol em i tok wanpela liklik birua long skru bilong lek bai no inap pasim em long pilai laspela gem bilong Rabbitohs.

“Nau moning mi kirap na go swim na skru bilong mi i bin pen liklik, na mi ting mi mas malolo liklik,” Ross i tok.

“Mi pilim orait, bai mi ekksesais liklik tude, na bai mi orait.”

Sisen bilong Souths bai painim

las raun pastaim long ol i lus long Broncos na Ross i tok sait bilong em i kisim bikpela skul tru long dispela gem we ol i no bin gat strong bilong Merritt na Sutton.

“Ating i gutpela mipela i lus, bikos em i mekim mipela i hang-er moa long kisim dispela win dispela wik na karim mipela i go long ol semi fainols,” Ross i tok.

Em i tok em na ol arapela tim met bilong em bai lusim Souths olsem Chris Sandow i laikim bai Fraide em i las gem bilong ol long klab Souths.

“Mipela i stap, na sapos mipela i lus dispela wik, em bai laspela gem bilong South Sydney na mipela no laikim dispela,” Ross i tok.



Titans no nap long Tigers

PAIT STRONG: Greg Bird bilong Gold Coast Titans i traim brukim strongpela difens bilong ol Wests Tigers dispela wik Mande. Tigers i bin strong tumas long ol Titans. Ol i daunim ol 39-10. (Poto i kam long AAP Images)



NOGAT MOA: Greg Inglis bai no inap pilai moa dispela sisen.

NRL bai painimaut gut long pait

NESENEL Ragbi Lig (NRL) bai painimaut na glasim gut tripela bikpela samting long pait i kamap insait long gem namel long Manly na Melbourne.

Namba wan samting em ol samting i kamap long fil we NRL Mets Riviui Komiti bai glasim insait long wikli kibung bilong ol.

Namba tu em ol Futbol Operesens Gaitlain bilong NRL long sait bilong ol saitlain bens na pasin bilong ol pilaia na opisal.

Namba tri em glasim long pasin bilong olgeta klab insait long dispela birua.

“Mi klia olsem olgeta lain i wari long dispela samting i kamap, na

mipela i mas glasim gut,” Sif Eksekutiv bilong NRL, David Gallop i tok.

“Em i klia olsem em i bikpela samting, na i no gutpela bilong gem. Nogat manmeri laik lukim pait, na NRL i gat rot i stap long daunim ol dispela kain samting.

“Mets Riviui Komiti bai mekim wok sekim bilong em na NRL Futbol Dipatmen i kirapim pinis wok painim bilong em yet long ol arapela samting i kamap long dispela nait.

“NRL bai glasim pasin bilong tupela klab wantaim, na bikpela samting em olgeta i mas rispek-tim ron bilong olgeta dispela wok inap ol i pinis gut.”

PASIFIK GEMS - NOUMEA 2011

K7,500 dai pinis long Digicel Gold program

NAMBA wan swima long Pasifik, Ryan Pini i kisim namba 5 gold medol bilong PNG long namba 14 Pasifik Gems long Noumea, Nu Kaledonia.

Ryan i bungim tripela gol em i winim wantaim tupela gold medol masolman Jack Viyufa i winim long inapim K7,500 we Digicel bai peim long tupela.

Digicel Go for Gold insentiv o sapot program em i wanpela program i kam long namba wan bikpela sponso bilong nesenel tim, Digicel PNG.

Aninit long dispela program husat PNG spotmanmeri i winim gold medol bai kisim K1,500.

Long ol tim i winim gold medol, ol bai brukim K3,000.



TRIPLELA: Supa pis bilong PNG, Ryan Pini i mekim nem gen wantaim tripela gol insait long swimming. Manimak bilong Digicel Gold Vol resis i go antap yet.



Masol man, Jack Viyufa

Masolman Jack taitim bun na win

BIKNEM masolman Jack Viyufa, we bipo i bin go pas long bodi bilding long kantri i wok long kirapim bek bodi bilding strong bilong em long Pasifik Gems.

Save bilong em long dispela spot i lukim Jack i rausim ol arapela bodi bilda bilong Pasifik.

Jack i kisim tupela gold medol long 75 kilogram divisen na narapela long

ovarol. Em i bungim strongpela salens, tasol em i strongim masol bilong em.

Planti long ol arapela bodi bilda i bin yangpela moa long em, tasol Jack i

no wari long ol.

Narapela medol bilong PNG i kam long masol bilong Iso Finch long 65 kilogram divisen.

Pini na Mopio bungim medol yet

RYAN Pini na Anna Lisa Mopio i winim moa medol insait long ol resis bilong ol aste, Trinde.

Pini i winim silva long 100 mita fristail bilong ol man, na Anna-Lisa i winim narapela silva medol bilong em long 50 mita bekstrok bilong ol meri.

Tupela swima wantaim i pinis insait long top tripela swima namel long ol swima bilong Nu Kaledonia, husat i bosim olgeta swim resis.

Pini i makim taim 51.61 seken bihain long Thomas Dahlia bilong Nu Kaledonia husat i klokim 51.53.

Narapela Nu Kaledonia

man, David Thevenot, i kam namba tri wantaim 51.62 seken.

Mopio i pinis klostu tru bihain long Lara Grangeon bilong Nu Kaledonia wantaim 31.08.

Tasol i no tupela tasol bilong PNG i stap long ol fainols resis. Peter

Pokawin, tupela brata Adam na Nathan Ampao'oi, Judith Meaurio na Tegan McCarthy i resis long ol fainols tu.

I no isi long ol PNG swima long stap insait long resis we Nu Kaledonia i pulap long en, tasol ol i strong na resis gut.

PASIFIK GEMS - NOUMEA 2011

Volibal



Sapotas



Ol poto raun long Pasifik Gem long Noumea

Swim



Ryan Pini



Basket bal



Soim masol



SPOT RAUN

WANTAIM

Scott Vavine, ML



Watpo yumi nidim kwolifait teknikal save long ples level?

PNG i gat planti ol hait talen o strong i stap insait long ol liklik ples bilong kantri.

Na em i sore samting tru long lukim wan wan tasol long ol dispela talent i painim rot long luksave long driman bilong ol.

Askim nau em, 'olsem wanem long olgeta arapela hait talent long ol ruel eria bilong kantri?'

Mi bin toktok bipo long dispela isiu nag en, mi laik givim moa infomesen na sampela aidia olsem wanem kain ol ples talent i ken painim tru tru strong bilong ol.

Ol bikpela piksa i stap ples klia pinis.

Yumi lukluk long Vabukori Amata Volibol Asosiesen. Asosiesen em ol dispela lain i stap long ples Vabukori.

Planti long ol i no holim wok na ol i save mekim wok fama tasol o pulim pis na abus long solwara.

Wanpela long ol bikpela samting ol i mekim em ol i strongim ol yet long wanpela spot we ol i pilim olsem em i ken givim ol moa luksave. Em nau, dispela spot em i volibol, na em i kamap namba tu bikpela samting ol i save mekim olgeta de.

Watpo na oli kamap gut tru olsem wanpela asosiesen? Orait, bihain long ol i luksave long strong bilong ol long volibal, ol i mekim tok promis long stap strong long dispela spot, na inapim namba wan level ol i ken painim long strong bilong ol yet long pilai.

Tasol ol i mas gat sampela kain teknikal save manmeri i stap long staim ol gut. Turangu, ol i nogat tru. Nesenel kosa husat em bilong ples Vabukori. Na sapos nau yu lukim, olgeta samting i stap strong yet. Ol mangi i strong na kosa bilong ol tu i sanap strong. Ol i gat ol gutpela ples bilong pilai volibal na olgeta ikwipmen o masin bilong trening.

Profail bilong ol i olsem ol Nesenel Sempion tim bilong nau, bikos ol i winim pinis sempionsip sikspela taim olgeta. Ol i winim silva medal long Osenia volibal sempionsips, na tupela tai mol i winim gold medol long Arafura Gems.

Dispela ol win bilong ol i mekim ol i kamap wanpela namba wan volibal tim bilong ples.

Em i wanpela piksa tasol. I gat planti ol arapela stori i stap, we ol i wok strongim ol talent bilong ol long ples.

Ol ples long PNG i nidim ol kwolifait teknikal manmeri i stap long ples. Sapos ol i gat sans, ol bai inapim olgeta driman bilong ol long kamap namba wan long wanem kain spot ol i laik traim.

Olgeta level bilong gavman i mas tingting strong long dispela na mekim i kamap samting tru tru.

Telikom givim K300,000 long PNG Kumuls

.....tim nau em Telikom Kumuls

James Kila i raitim

TELIKOM PNG long aste i givim K300,000 i go long PNG Kumuls long redim tim gut long pilai egens Australia Kangaroos long Septemba 25 long Lae Ragbi Lig graun.

Sif Eksekutiv Ofisa bilong Telikom, Peter Loko i tok olsem wanpela nesenel kampani bilong PNG stret, Telikom oltaim i save laik pas wantaim nesenel

tim bilong yumi em PNG Kumuls na ol i amamas long sapatim gen tim long dispela yia.

Wantaim dispela sponsa, PNG Kumuls bai kolim ol yet Telikom Kumuls

Interim siaman bilong PNG Ragbi Futbol Lig (PNGRFL), John Numapo i tok tenkyu long Telikom na i tokaut olsem dispela helpim bai go longpela rot bikos PNG Kumuls bai yusim

mani long sait bilong kempein egens pasin bilong paitim meri (Violence Against Women).

Mista Numapo i tokaut tu olsem PNGRFL bai tokaut long nupela kosa bilong Kumuls klostu taim na tu tim we bai pilai wantaim Australia long Septemba 25.

Em i tok wantaim dispela sponsa ol i kisim ol bai redim tu wanpela tim long pilai wantaim Fiji Bati long mun Oktoba long

dispela yia.

Mista Loko i tok em gutpela long lukim olsem dispela gem namel long PNG Presiden 13 na Australia bai kamap long Lae, bikos dispela bai pulim moa lain na tu ol i bringim gem i goaut long ol pipel.

"Long makim Telikom PNG, mi laik tok amamas long Kumuls na Kangaroos long gem bilong ol long Lae," Mista Loko i tok



CEO bilong Telikom PNG, Peter Loko (namel) wantaim Sif Komesal Ofisa, Ajay Mathur (raithan) i givim sek i go long interim siaman bilong PNGRFL, John Numapo long aste. Foto: James Kila

PNG ron gut

I kam long bek pes.

Soka tim bilong ol man bai pilaim namba tu gem bilong ol tete na volibol tim bilong ol man bai pilaim namba tri gem bilong ol tete agensim Wallis and Futuna we bai wanpela strongpela gem. PNG i winim tupela volibol gem bilong ol pinis agensim Fiji

na Ameriken Samoa na dispel gem bilong ol tete em i wanpela bikpela gem we ol i mas win. Tebol tenis i bin abrus long pilai long medol tasol ol i pilai long namba 5 ples. Ol i kisim mak insait long Osenia rijen olsem long namba 9 ples. Kanu na bot resis tim tu i pilai yet. Sefing em narapela tim tu we i statim pilai

bilong ol long Trinde dispela wik na bai pinis long Fraide. Boksing i stat long Tunde dispela wik wantaim ol kwata fainol resis we i lukim Tom Boga, bilong PNG i winim namba wan pait bilong em wantaim teknikal nokaut long birua bilong em bilong Vanuatu long 60kg divisen. Traietlon resis bait u bai kamap long

Sarere. Olgeta resis bilong namba wan wik bai pinis long Fraide na Sarere dispela wik na ol tim bai go bek long PNG na namba tu tim wantaim ol spot we bai kamap long namba tu wik, bai kam long Nu Kaledonia. Olgeta PNG tim i wok long ron gut na gem bilong ol i kamap strong tru.

DIANA

Now Bigger at 425g

- ✓ Wankain Teist
- ✓ Wankain Prais
- ✓ Plenti Mit



Freshly **PNG MADE**
 100% Tuna Country United



Niupela piksa tasol wankain mit



MEDOL TALI

KANTRI	GOL	SILVA	BRONS	TOTAL
N/CALEDONIA	15	19	3	37
TAHITI	10	4	7	21
FIJI ISLANDS	7	4	8	19
PNG	5	1	4	10
TONGA	2	1	3	6

PNG ron gut

SPOT	RESIS	MEDOL	SPOTMANMERI
Bodi Bilding 75kg Man		Gold	Jack Viyufa
Bodi Bilding All Categories		Gold	Jack Viyufa
Swiming 100m b/fly Men		Gold	Ryan Pini
Swiming 200m b/fly Men		Gold	Ryan Pini
Swiming 50m b/stroke Men		Gold	Ryan Pini
Swiming 200m f/style W/men	Silva		Anna-Lisa Mopio
Bodi Bilding 65kg Men		Brons	Iso Finch
Swiming 200m b/stroke W/men		Brons	Anna Mopio
Swiming 4x200m f/style Women		Brons	Rilei Tim
Swiming 50m b/fly W/men		Brons	Anna-Lisa Mopio

PASIFIK GEMS long Pasifik Gems long Nu Kaledonia i wok long mekim gut long ol gem bilong ol insait long namba wan wik yet.

Tim i kisim pinis 10-pela medol: 5-pela gol medol, wanpela silva na 4-pela brons medol na long Trinde avinun long dispela wik, sampela moa spot i pilaim ol fainol bilong ol. PNG gat sans long winim sampela moa medol long dispela ol spot tu. Dispela ol medol i kam long swimming na bodibilding. Ryan Pini go pas wantaim ol tripela gol medol na Jack Viyufa i kam namba tu wantaim tupela gol. Ol tim spots olsem volibol, ragbi, soka na basketbol i pilai yet.

I go moa long pes 31



Medol bikpela samting

INAP: Ol yangpela meri bilong yumi PNG insait long swimming pul i bin taitim bun long 200 mita fristail riley, na ol i kam namba tri bilong kisim brons medol. Judith Meauri, Tegen McCarthy, Anna-Lisa Mopio na Barbara Vali i bin amamas tru. Medol ol i kisim i strongim namba bilong PNG i go long namba 5 ples aste.

PASIFIK GEMS NU KALEDONIA



Telikom gives K300,000 long PNG Kumuls - Page 31

Johnston's Pharmacies



For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.



P.O.Box 1066 Boroko. Phone 325 3185. Fax 325 0190. Email sales@johnstons.com.pg."